

რვაენი

# დროშა

NOTRE DRAPEAU

832

1965

დაარსებულია ნოე ჟორდანიას მიერ.

N° 42

Directeur: MICHEL STOUROUA.

შ ი ნ ა ა რ ს ი:

ერის დროშა.

მიხეილ წერეთელი.

ხ. ასათიანი—რუბენ ყიფიანი.

მეგობარი—მეგობრის ხსოვნას.

ვალეკა ჩუბისიძე—ძვირფასი ოჯახი.

პ. ხ.—მცირე შენიშვნები დიდ საკითხებზე.

ვანო ნანუაშვილი—ლენინი და ეროვნებათა საკითხი.

მ. ბერძენი—პრ. დ. მ. ლანგი და დაჭირავებული კრიტიკოსები.

ა. ბადრიძე—საბჭოთა მწერლობის—ძველი და ახალი.

ბაზველი—ხმა უღირსი და სხვ.

პარტიო.

მ ა ი ს ი.

Paris.

1965

## ერის დროშა!

ქართველი ერის თავისუფლების დროშა აღიმართა 26 მაისს. დროშა ეროვნული თავისუფლების, სუვერენობის, საკუთარ სახელმწიფოებრივ სხეულის გამთელების და აღმავლობის.

26 მაისი მოველინა ქართველ ერს, როგორც დღე გამარჯვების, საუკუნოებრივ ბორკილებიდან თავდახსნილ ერისთვის თავისუფალი ცხოვრების ბრწყინვალე სხივი. 26 მაისმა დაბადა ახალი საქართველო, ახალი ხალხი, ძველი და თანამედროვე თვისებების გამაერთიანებელი და ახალი ერის შემქნელი.

ამ დღის მოგონება იქ სამშობლოში, იღუმალეებით გულჩახვევით და მოკრძალებით—აქ უცხოეთში ქართველობისგან გაწლილად და ღიად არის მოგონება იმ ბრწყინვალე ხანის, როცა ერი გალაღებული, აღმშენებლობაში ჩაბმული, დიდის იმედით შეჰყურებდა მომავალს. გაჰვირება, სიღარიბე მძიმე პირობებში დიდი ომიდან დატოვებული, მას არ აზინებდა,—რადგან უკვე დადებითი ნაყოფი—თავდადებულ შრომისა აშკარად სჩანდა. რაღაც სამი წლის განმავლობაში მან შესძლო სახელმწიფო აპარატის დამაგრება და განმტკიცება; და ეს მაშინ, როცა რუსეთის ტერიტორიაზე ლენინი სპობდა თებერვლის დემოკრატიულ ჩანასახებს,—საქართველო კი ოაზისი თავისუფლების, სიმშვიდის,—იწვევდა მთელი კაცობრიობის განცვიფრებას. ეს იყო ძალა სიმართლისა და სამართლის:

«ქმნა მართლისა,—სიმართლისა

ხესა შეიქმს ხმელსა ნედლად»...

დიახ! ქართველ ერმა ამ რწმენით სძლია—დაუძლეველს, დააფუძნა და აყვავების გზაზე დააყენა—ერის სოციალური და ეკონომიური ცხოვრება.

რუსეთმა ერთჯერ მფარველად და მოკავშირეთ მოწვეულმა და მეორეჯერ მისგანვე ცნობილმა გადასურა გზა აღმავალი.

შემუსრა ეროვნულ-პოლიტიკური ძალების წინსვლა.

დაეცა ქართველი ერის დროშა, დაიკეცა იგი დროებით და ადგილი ნახა თითოეულ ქართველის სულსა და გულში.—რათა სასოებით, სიწმინდით ატაროს ვით სიმბოლო ბრძო



ლის და მომავალ გამარჯვების. მაშასადამე ქართველი ერის დროშა, 26 მაისი დღეს ტყვეობაშია და ცხრა კლიტულში ჩაქედილი, ზეიმი, მხიარულებაც უფრო ფიცია თავდადების და ერთგულების ბრძოლის გასაგრძელებლათ, რწმენის მიუცილებელი ელემენტია პერსპექტივა; შეგნება საკუთარი უფლების უზენაესობის სასწაულს—რაც ბადებს თვით მომავლის იმედს...

დრონი იცვლებიან, განმათავისუფლებელ ბრძოლის შინაარსი, ტაქტიკა, პოლიტიკური სტრატეგია იცვლება მიმდინარე სოციალ-პოლიტიკური ვითარების მიხედვით. ის რაც გუშინ მისაღები იყო—შეიძლება ხვალ უკუსაგდები იქნეს, ხოლო სურვილი ეროვნულ თავისუფლების აღდგენის რჩება ურყევი...

რას ვეყრდნობით? რა პერსპექტივები გვეხატება?

თუ წარსულში ქართველობას აღმოაჩნდა უხილავი ძალით შენახული, უკვდავი ეროვნული სული და განსაცვიფრებელი განძეულობა ... დღესაც იგი არა ნაკლებათ, სხვადასხვა ფორმითა და საშუალებით უმკლავდება და ცდილობს შეინახოს ეროვნული ცხოველყოფილი სიმტკიცით, თავისი ეროვნულ-კულტურული მეობა, რათა შესაფერ დროს, როგორც ახლო წარსულში მოუხდა, დადგეს საკუთარ ფეხზე...

საერთაშორისო ურთიერთობა ჩამოყალიბდა ქართველი ერის სასარგებლოთ... რუსეთი, როგორც ერთადერთი სახელმწიფო,—ძალით და ძალადობით შეკოწიწებული, შინაურ და საგარეო პოლიტიკურ მოვლენათა დაწოლით სდგას დანგრევის და დაშლის წინაშე.—რასაც მოითხოვს თვით რუსის ერის ინტერესები...

ამ ისტორიულ აუცილებლობის დასასრული და ლოდიკური შედეგი,—რამოდენიმეთ დამოკიდებულება დაჩაგრულ ერთა შეკავშირება-გამკლავებაზე, რომელთა აშვევულ ტალღებს კრემლის ბატონობის დამხობა უნდა მოჰყვეს.

ცენტრალურ ევროპის ზოგიერთ ერთა—გაბედული ნაბიჯი—მოსკოვის მიმართ, პირველი სხივია, რომლის სითბო ადრე თუ გვიან შეანათებს სხვა—მოსკოვზე დამოკიდებულ ერთა ცხოვრებაში.

26 მაისი ქართველი ერის მანათობელი ვარსკვლავია.—ერის დროშა,—რომელიც წინ მიგვიძღვის და მიგვიყვანს—გამარჯვებამდე.

## მიხეილ წერეთელი.

ქ. მიუნხენში, ამა წლის 2 მარტს, გარდაიცვალა ჩვენი ქვეყნის დამსახურებული პოლიტიკური მოღვაწი და მეცნიერი მიხეილ წერეთელი. ის უკვე ღრმად მოხუცებული იყო, 86 წლისა, ასეთ ასაკში ყოველთვის მოსალოდნელია განზორება ამ ქვეყნიდან, ხოლო მაინც ძნელია, რომ ადამიანს სამუდამოდ შორდები. განსვენებულს პირადი ცხოვრება, ვიწრო გავებით ამისა, არ ჰქონია, მან მთელი თავისი სიცოცხლე ერისა და ქვეყნის სამსახურს მოანდომა. ჩვენ აქ არ შეუდგებით აღწერას განსვენებულის დამსახურების, როგორც მეცნიერის და პოლიტიკურ მოღვაწის, არამედ გვსურს დიდი ქართველის პიროვნება ზოგადად დავახასიათოთ.

როდესაც მან ქუთაისის კლასიკური გიმნაზია დაამთავრა და ცხოვრების ასპარეზზე გამოვიდა ის უკვე დაკაცებული იყო თითქმის 26 წლისა. ეს იყო ჩვენი საუკუნის მიჯნაზე, ჩვენი ქვეყნის ცხოვრებაში გადატეხის ხანა. ის იყო, რომ «მესამე დანი» წარმოიშვა და რევოლიუციონური პროგრამით წარსდგა. დაარსდა სოციალდემოკრატიული პარტია. აუცილებელი იყო, რომ ის უპირველეს ყოვლისა მებრძოლი სულით აღზნებულ ახალ თაობას, ახალგაზრდობას მოხიბლავდა და გაიტაცებდა. ასეც მოხდა, მიხეილ წერეთელი მარქსისტულ მოძრაობას მიემხრო, ხოლო მათ ეროვნულ პოლიტიკურ და სოციალურ მჩაგვრელად ესახებოდათ რუსეთის ცარიტული რეჟიმი და მათი ბრძოლა ამის წინააღმდეგ იყო მიმართული...

...წრე ახალგაზრდობათა, რომელსაც მიხეილი ეკუთვნოდა მეტათ პატრიოტულად იყო განწყობილი.... მათ იტაცებდა მარქსიზმის საერთაშორისო კონცეპცია, ბრძოლა საერთაშორისო მჩაგვრელთა წინააღმდეგ—მსოფლიო მასშტაბით. თუმცა არც ქართულ ზედაფენას ინდობდნენ და თვით მიხ. წერეთელი არა ერთხელ გალაშქრებულა ხოლმე წარჩინებულთა წინააღმდეგ.

მასუკან ის შფოთვის და ძიებათა პერიოდშია.

კიევში გამოდის სტუდენტთა დემონსტრაციან და ცეცხლს აფრქევს. დატუსალებას რომ თავი დაახწიოს სახლვარ გარეთ მიდის. აქ არ მშვიდდება და 1901 წელს პარიზში მონაწილეობას იღებს სანდრო გაბუნიასთან ერთად დემონსტრაციაში; დაატუსაღეს და ციხე მიუსაჯეს (მათ იცავდნენ არი-

სტიდ ბრიანი და შემდეგ სენატორი დე-მონზი). და შემდეგ გადასახლეს საფრანგეთიდან. ის მიდის ინგლისში და უახლოვდება ვარლამ ჩერქეზიშვილს. იმ ხანათ მთელი მსოფლიო დიდ და ძლიერ იმპერიებს ეპყრათ, რომლებშიაც იყვნენ მრავალი დაპყრობილი ერები, ყოველგვარ უფლება აყრილნი. ეს იწვევს მასში, დაჩაგრულ ერის შვილში, რადიკალურ სიძულვილს ყოველი ფორმის სახელმწიფოს და ხელისუფლების წინააღმდეგ და იდეალისტურად განწყობილი ახალგაზრდა და რევოლიუციონურად ალტკინებული. უარყოფს ყოველგვარ ხელისუფლებას, იძულებით კავშირს ადამიანთა და აღიარებს ყოველი ადამიანის უფლებას, იყოს თავისუფალი და არავითარ ნორმებს არ შორჩილებდეს. თავის იდეალისტურ წარმოდგენაში, ასეთ პირობებში ქართველი ხალხიც და ადამიანიც, თავისუფალი ესახება. ანარქიზმის იდეალურ თეორიას მალე თავს ახწევს და საქართველოს სოც.-ფედერალისტთა პარტიის ერთ-ერთი დამაარსებელია.

1905 წ. ის მიეშურება საქართველოში და ღებულობს მონაწილეობას რევოლიუციონურ მოძრაობაში. უახლოვდება სოციალდემოკრატიულ პარტიის მეთაურს. ამ დროს მ. წერეთელი სახელგანთქმული პუბლიცისტი და ორატორი. მისი ცნობილი სიტყვა, წარმოთქმული ილია ჭავჭავაძის დასაფლავებზე—ისტორიული მიმოხილვაა ქართველი ერის რაობის და დასაბუთება მისი ეროვნულ უფლებათა.

1909 წელს გამოდის მისი დიდი შრომა «ერი და კაცობრიობა». 1912 წელს იაკობ გოგებაშვილის დახმარებით, «სეპარატისტთა წრეში», როგორც უწოდებდნენ მას, და რომელსაც ეკუთვნოდნენ—თვით მიხეილი, პეტრე სურგულაძე, მიხეილ ჯავახიშვილი, ნიკო ლორთქიფანიძე და სხ. გამოსცეს ვახ. «ერი». სხვათა შორის ამ გაზეთის ტექნიკური რედაქტორი იყო მგოსანი ი. გრიშაშვილი. მ. წერეთელი ამ დროს უმთავრესათ ეწევა მეცნიერულ შრომას და სულ მოკლე ხანში აქვეყნებს ქართულ და უცხოურ ენაზე თავის შრომებს, ჯერ სუმერულ ქართულ ენათა ნათესაობის შესახებ. მისი შრომები ქვეყნებოდა საფრანგეთში, ინგლისში, გერმანიაში. პირველი მსოფლიო ომის დროს განსვენებული წევრია ქართული კომიტეტის გერმანიაში. ის წყალქვეშა ნავით ორჯერ ჩამოდის საქართველოში და აწარმოებს მოლაპარაკებას პოლიტიკურ პარტიების მეთაურებთან, განსაკუთრებით კი ნოე ჟორდანიასთან.

ამ კომიტეტის მოღვაწეობას მეტად პოზიტიური შედეგები მოჰყვა შემდეგში ჩვენი ქვეყნისათვის. უკვე ბრესტ-ლიტოვსკის ხელშეკრულებაში, გერმანიის მოთხოვნისგან,

რუსეთი აღიარებს საქართველოს დამოუკიდებელ სახელმწიფოს ცნობას.

1918 წ. მ. წერეთელი იყო საქართველოს დიპლომატიური დელეგაციის წევრი ბერლინში, შემდეგ ელჩი სკანდინავიის ქვეყნებისთვის სტოკჰოლმში და 1920 წ. დაბრუნდა საქართველოში სადაც იგი მიიწვიეს პროფესორად ჩვენს უნივერსიტეტში. საქართველოს დაპყრობის შემდეგ მან მთავრობასთან ერთად დასტოვა საქართველო.

მ. წერეთელი მართალია არ იზიარებდა სოციალისტურ მოძღვრებას, მაგრამ დადებით აფასებდა მის მოღვაწეობას, სთვლიდა მას ეროვნულ, სახალხო პარტიით და მის მეთაურებთან, აგრეთვე მისგან გამოსულ ეროვნულ მთავრობასთან მუდამ იყო ლოიალურ და საქმიან დამოკიდებულებაში... ამის დასახასიათებლად ბ. ნ. ნ. ნაკაშიძე შემდეგს გადმოგვცემს:

«ერთხელ დავით ღამბაშიძეს ოხუნჯობით უთქვამს: «ბ. ნ. მიხაკა წერეთელი გაშმაგებით ებრძვის სოციალისტებს, მაგრამ პარიზში რომ ჩავა ხოლმე, ეახლება ნოე ჟორდანიას და «ჩაშკალოშკებული» მიირთმევენ ჩაის ბისკვიტებით». ჩვენ დავიწყეთ სიცილი მიხაკამ გადმოგვხედა გაწყრომით და სთქვა: «რას იღრიჭებით, აჰ? შევარცხვინე ისეთი პოლიტიკური შეხედულება, რომელიც აღმიკრძალავს ჩემს თანამემამულეს შევხედე, და მეორეც ჩემს პრეზიდენტს ვგაქლები, აბა როგორ კგონიათ!»

ერთხელ მას გამოეკამათნენ, ნოე ჟორდანიასთან შეხვედრის გამო საქართველოში, როდესაც ის საიდუმლოთ ჩამოვიდა და მაშინ სთქვა:

«რას მივდება ეს ხალხი, ნოე ჟორდანიამ უფრო მეტი რამ მითხრა, მაგრამ ეს შემდეგ გამოქვეყნდება (სამწუხაროდ ეს არ მოხდა!). მე მაშინ გავიგე თუ რა რიგ აწუხებდა ნოეს ჩვენი ხალხის ბედი და როგორ სურდა მას ქართველი ხალხის განთავისუფლება, ოღონდ ერიდებოდა, საფრთხეში არ ჩავარდეთ, არ დავლუპოთ ქვეყანა, უდროოდ რომ რაიმე ვიმოქმედოთ!»

განსაკუთრებით დაახლოებული იყო განსვენებული კარლო ჩხეიძესთან, ერთი რომ მეზობლები იყვნენ, ოჯახურად იცნობდნენ ერთმანეთს და მასთან კარლო მისი უფროსი ძმის ცნობილ მოღვაწის და კუბლიცისტის ვასილ წერეთლის მეგობარი იყო. მიხაკოს კარლო ბუნებით ჭკვიან კაცად მიაჩნდა და დიდ პატრიოტად. ხშირად მოყვებოდა კარლოს ნათქვამს და მის მოსწრებულ სიტყვა-პასუხს.

ერთხელ ერთმა ახალგაზრდამ ქართულ გაზეთში მწვავე წერილი მოათავსა მთავრობის წინააღმდეგ. მიხაკომ ის დაიბარა და უთხრა: «დამიგდე ყური, შენი წერილი შეუწყნარებე-

ლია; გაგიგია ჩვენი მთავრობის წინამდებელი გაილაშქრო?! სხვა რა დაგვრჩენია მთავრობის გარდა? ის მეტყველია ჩვენი სახელმწიფო არსებობისა! ჩვენ უნდა ვიცავდეთ მას, ჩვენ! ჩვენ არ უნდა ავყვეთ უპასუხისმგებლო ხალხს, არ უნდა ვიკადროთ ეს და რაც არ უნდა მოხდეს, უნდა ვიცავდეთ მას!»

დიდი პატივისმცემელი იყო მიხაკო განსვენებულ ევგენი გეგეჭკორის. მოსწონდა ის აგრეთვე როგორც ქართველი ტიპი და მასთან მისი მეგრული თავდაპირველი, თავაზიანობა. ევგენი მიხაკოზე უმცროსი იყო, როდესაც მიხაკომ გინაზიხა და ამთავრა ევგენი უმცროს კლასში იყო. მიუხედავად ამისა, არასდროს მას მიხაკო «შენობით» არ მიმართავდა, არამედ «თქვენ, ბატონო ევგენი», ხშირად «ბატონო მინისტრო».

ერთხელ ვუთხარი ამის გამო, რომ ჩვენში სოფელში, კაცი მამასახლისთან რომ მივიდოდა, თუმცა ეს მისი მეზობელი იყო, მაგრამ მაიც «თქვენობით მიმართავდა და აი «მიხაკო წერეთელი, შენც ასეთ ხარ, გეტყობა მსახურ აზნაურთა წოდებას რომ ეკუთვნით».

ამაზე გამიღიმა და ზემო-იმერული კილოთი მითხრა: «თქვენს» ვეტყვი, აბა სხვანაირად გაგონილა განა!»

უკანასკნელად, გარდაცვალების წინ, ევგენი რომ მიუხეხენში ჩამოვიდა, მიხაკოსთან მიბრძანდა, მეც გამიყოლიახანგრძლივი საუბრის შემდეგ, ევგენი ადგა და მოგვმართა: «ერთს რაიმეს მოვიტხოვ თქვენგან, რაც არ უნდა მოვიმოქმედო, გვაკეთო. გვერდში ამომიდექით, ზურგი გამიმაგრეთ, ყველაფერში თანმომყევით!»

მიხაკო მწამსვე წამოხტა და გადაეხვია. ჩამოვარდა სიჩუმე-გამოგვეთხოვა. მიხაკომ გააცილა, როგორც ჩვენშია მიღებული, ჭიშკრამდის (სახლი ეზოში იდგა) და სანამდინ ტაქსი არ დაიძრა, ფეხი არ დაუძრავს და ხმამალა წარმო სთქვა: «მე კი ვერ მოვესწრები, მაგრამ თქვენ კი გაგიმარჯოთ»-ო! შემდეგ გაიხედა იქითკენ საითაც ტაქსი წავიდა და სთქვა:

«კურთხეულ იყოს საქმენი შენი, საკელთილდღეთ ჩვენი ხალხისა».—და გადაიწერა პირჯვარი.

კეთილშობილი ქართველი, კეთილშობილად ცხოვრობდა კეთილშობილად იღვწოდა თავისი ქვეყნისათვის და კეთილშობილი სახელი დასტოვა ამა ქვეყნად. გასცილდა ამა ქვეყანას დიდი მეველე ქართული ეროვნული კულტურული და პოლიტიკური ყანისა, რომელიც ერთხელ უსათუოდ თავისუფალ ქვეყანაში მოსავალს მოსცემს სადიდებლად ჩვენი ქვეყნისა!

## რუბენ ყიფიანი

პარიზიდან დაშორებულმა თავზარდამცემი ამბავი მივიღე. ერთი მეგობარი მწერდა: «რა უნდა დაგიმალო, მე თუ არა სხვა გაცნობებს, რომ რ. ყიფიანს ავტომობილი დაეტაკა და ხუთი წუთი აღარ უცოცხლია». საშინელი გულსტკივილი ვიგრძენი—ახლო მეგობრის ასე უმოწყალოთ დაკარგვის გამო. რა არის ადამიანის ცხოვრება? პარიზიდან დაბრუნებული—თავის საცხოვრებელ ბინასთან მისული—ესალმება წუთისათვის და როგორ?

ნათლად მახსოვს, თუმცა 60 წელი გავიდა მას შემდეგ, როცა რამოდენიმე ახალგაზდა ამხანაგებმა თავი შეეცაღათ—აქ იყვნენ ლევან დადუმელიანი, შამში გელოვანი, ბრეტორ ახვლედიანი არტემ ბოჭორიშვილი, რუბენი მოიყვანა შამში გელოვანმა. ამ დღიდან მოყოლებული ჩვენი მეგობრობა არ შეწყვეტილა. არ შეწყვეტილა ამ დღიდანვე დაწყებული მუშაობა რ. ყიფიანის ს.-დ.პარტიაში. მას არ დაჰკლებია ციხეციმბირი, მაგრამ არასოდეს მისი რწმენა შევიწროებას და დევნას არ შეუწყვევია.

ციხიდან დაბრუნებული იგი მეორე დღესვე უღებოდა დავალების შესრულებას. მას ჰქონდა მაგარი ნებისყოფა და გამძლეობა როგორც ფიზიკური ისე სულიერი. მას არასდროს გადაუხვევია ერთხელ აღებულ გზისთვის. იწვიათი ნიჭით დატვირთულმა და განსაკუთრებული მენსიერების პატრონმა თვითგანვითარებით დაიმსახურა მწიგნობრის სახელი.

რუბენს გადაკითხული და შესწავლილი ჰქონდა ჩვენი ცნობილი მწერლების ყველა ნაწარმოები. მათ შესახებ მას ჰქონდა საკუთარი შეფასება და საკუთარი აზრი. ამავე დროს სწერდა ლექსებს, რომელიც იბეჭდებოდა ჩვენს ჟურნალ-გაზეთებში.

დაპყრობის შემდეგ,—როცა რუბენი დასახლდა ქ. საშოში (საფრანგეთი), მან შექმნა საკუთარი ბიბლიოთეკა. ცდილობდა შეეძინა სამშობლოში გამოცემული ნაწარმოებები.

რუბენი იყო ენაწყლიანი, მიმზიდველი მოსაუბრე; თავის ქარაგმული თქმებით და ანდაზებით—იგი იზიდავდა მსმენელს და არწმუნებდა მის მიერ დაცულ აზრის სისწორეში.

იგი ფიქრობდა სამშობლოზე, სუნთქავდა მისი ჰაერით, აზროვნებდა მისი სიყვარულით.

უკანასკნელად რუბენი ქადაგებდა, ცდილობდა პარტიულ რიგების გაერთიანებას,—ინატვროდა მთელი ქართველობის ერთობას.—რაც მას არ დასცალდა.

მშვიდობით ჩემო ძვირფასო რუბენ.

ბ. ახათიანი.



## მეზობრის ხსოვნას

რუბენ ყიფიანი დაიბადა 1882 წელს სოფელ ქოშხაში (ლენჩუპის მაზრა). «ბუნების კარი» მას აღუძრავს სწავლის წყურვილს. ლაილაშის სასწავლებლის დამთავრების შემდეგ გადასწყვეტს თვითგანვითარების გზით მიაღწიოს თავის მიზანს. დიდი ნიჭის პატრონმა თავის მიზანს მიაღწია.

ილიას და აკაკის ნაწერებს გათაცოცებით ეძებს და იხეპირებს. მისი მამა ლუარსაბი კი კარგი საზოგადოების კაცი იყო და მის ოჯახს არ აკლდა თავისი დროის საუკეთესო სტუმრები, მათ შორის იასონ გელოვანიც. შეხედულობით მომხიბლავი იასონი, თვითონაც თვითგანვითარების საშუალებით იყო დაწინაურებული და მას არ გამოჰპარვია პატარა რუბენის გაშლილ პირისახეზე მიმალული სურვილები. რუბენი მან თავის სახლში წაიყვანა და დაიმეგობრა. რუბენმა აქ ნახა «ვეფხვის ტყაოსანი» — წაიკითხა და დაიზეპირა. რთგორც საკუთარი მამის ოჯახში, ისე იასონისას, მას ხშირად უწევდა უკვდავი პოემიდან საუკეთესო ადგილების ზეპირათ წარმოთქმა. ამავე ოჯახებში ხვდებოდა ის უამრავ სტუმრებს, რომლებიც ერთმანეთში ძველი ანდაზებითა და ანეგდოტებით პაექრობდნენ. ნიჭიერი ბავშვის გულმა გადმოხატა ყოველივე ეს და ზრდასთან ერთად შეისისხლხორცა და ჩვეულებად გადაექცა. ასეთ ატმოსფეროში ნახულმა თუ გაგონილმა გაამდიდრა მისი სურვილები...

რუბენი იასონის შვილ შამშესთან ერთად კითხულობენ პოლიტიკურ წიგნებსა და ბროშურებს, ერთად ითვალისწინებენ მომავალს. ეს ის დროა როცა სოციალდემოკრატიული მოძრაობა გარკვეულად გამოდის ჩვენი ქვეყნის პოლიტიკურ ასპარეზზე და შამშე და რუბენი უერთდებიან ამ მოძრაობას. რომელთა შორის იყვნენ: ლევან დადეშკელიანი, ს. სიპაძე (ჭიჭიკო) ასათიანი, ვიქტორ და პლატონ ახვლედიანები, არტემ ბოჭორიშვილი და სხვები.

ეს ახალგაზდობა ხელმძღვანელობს 1905 წლის რაქალეჩხუმ-სვანეთის აჯანყებას და გამარჯვებულნი გამაგრდებიან კიდეც ორპირში, მაგრამ ქვეყნის სხვა მხარეებში უკვე დამარცხებულ აჯანყებას ორპირი ვეღარ იხსნის და ამიტომ ტყვეს შეაფარეს თავი. და მართლაც, საქართველოს რევოლუციონური მოძრაობის ისტორიიდან იმათი თავდადებული ბრძოლები ყველას დასანახავათ მოსჩანან. ასე, რომ, სანამ რუბენი თბილისის მუშათა მოძრაობასა და პარტიის ხელმძღვანელობას დაუახლოვდებოდა, ის უკვე ბრძოლებ გადახდილი იყო ლენჩუპის მაზრაში და ამ მაზრის მშრომელი საზოგადოების დიდი სიყვარულითა და ნდობით სარგებლობდა. დედაქალაქში ის ჩავიდა საუკეთესო ორგანიზატორის დიპლომით. მაგრამ რუსის უანდარშებმა ის მრავალჯერ დაატყვევა და გადა-

ასახლა ციმბირში. ციმბირში მისი გადასახლებაყოველ თვის საშობლოში გამოპარვით მთავრდებოდა და ბრძოლას აგრძელებდა.

მაგრამ ომით შერყეული რუსეთი რევოლუციის აღში გაეხვევა... საქართველო განთავისუფლდება და მის უზენაეს კრებულში რუბენი დეპუტატია. მთელი თავისი ავტორიტეტით ის იცავს საქართველოს დამოუკიდებლობას და ნორჩი რესპუბლიკის წინააღმდეგ მოტანილ იერიშებს გააფთრებით ებრძვის, როგორც საქართველოს მთავრობის რწმუნებული.

მაგრამ ბოლშევიკური მოსკოვის ურდოების წინააღმდეგ ბრძოლა ამაო ხდება...

ერთხელ კიდევ წაილეკება საქართველოს თავისუფლება. რუბენი ლტოლვილია... სტამბოლი, ბერლინი, პარიზი, სოფო და ბოლოს 80 წელზე გადასული სახლდება ლევილში. მისი გემოვნებით მოწყობილი ბინა, ღია იყო ყველა ქართველებისათვის. მისალმებისთანავე სწრაფად აკრებდა მაგიდიდან საწერკალამსა და ქაღალდებს... აი, ამ მაგიდაზე დებულობდა რუბენი ამხანაგებს, ამ მაგიდაზე უმასპინძლდებოდა მეგობრებს, აქვე დაწერა მან უკანასკნელი ლექსი «სამშობლო» და დაიწყო მისი მოგონებების წერაც. «რადღი»-ს ხელმოწერით, ლტოლვილობაში მრავალი ლექსი აქვს მას დაწერილი და გამოქვეყნებული.

მაგრამ დახეთ ბედისწერას: 16 თებერვალს რუბენს ავტომობილი დაეჯახა და სამუდამოთ გამოასალმა წუთისოდელს.

27 თებერვალს ლევილის ძმათა სასაფლაოზე უამრავი ქართველები თანადასწრებით მოხდა რუბენის დასაფლავება. მხურვალე სიტყვებით გამოემშვიდობენ მას მისი ამხანაგები და მეგობრები: შირიან მელუა, ნოე ცინცაძე და ალექსანდრე შათირიშვილი. წაკითხულ იქნა სამგლოვიარო დეპენები: რუბენის ძმის შვილის შვილებისაგან, მის სიყრმის ამხანაგის სოსიპეტრ ასათიანისაგან, ანტონ ჟორჟოლიანისაგან, კატი და დეშველიანისაგან და გალაქტიონ ასათიანისაგან.

მაღლიერი ერთი არ დაივიწყებს რუბენის სახელს.

მეგობარი.

### ძვირფასი ოჯახი.

ქ. ჭიათურიდან მივიღეთ მეტად სამწუხარო ცნობა. იქ ალექსანდრე და კატო ხაბუღიანების გარდაცვალების შესახებ. ალექსანდრე ჭიათურაში დასახლდა 1902 წელს

პირველად იგი მოთავსდა ადმინისტრაციაში გადამწერის თანამდებობაზე. მან ვერ გაუძლო იქ გამეფებულ უსამართლოებას და ამხანაგების დახმარებით მოეწყო დიიურ მუშად ელსადგურში, სადაც ამავე დროს მუშაობდნენ ძველი რევოლუციონერები: კ. მოდებაძე, ტერენტი წერეთელი, მ. გაჩეჩილაძე, ვ. ყიასაშვილი.

ალექსანდრე მუყაითად და საქმის იყვარულით, მტლი თავის ენერგიით ჩაება სოციალდემოკრატიულ მოძრაობაში, ათავსებდა აგრეთვე სისტემატიურად კორესპოდენციებს ზუშაბა და სოფლის ცხოვრებიდან ჟურნალ «კვალში». სწერდა ლექსებს, თანდათანობით მან მოიხვეჭა სახელი, დამსახურება და ყველას პატივისცემა.

ქიათურაში აპატიმრებენ ნ. ხომერიკთან, ნ. ჩხიკვაძესთან და დათიკო მიქელაძესთან ერთად აგზავნიან ქუთაისის ციხეში. ქუთაისში თბილისის ქუჩაზე მათ მოუწყვეს თავდასხმა-ალექსანდრე, ნესტორი და დათიკო განგებ დაჯდნენ მიწაზე, ხოლო ნოე ხომერიკს მისცეს საშუალება გაქცეულ იყო. ორი თვის შემდეგ ესენიც განთავისუფლდნენ, რომლებიც მერაბ დღესვე შეუდგნენ პარტიულ ორგანიზაციებში მუშაობას. მიუხედავად იმისა, რომ ალექსანდრეს თვით თვალყურს ადევნებდნენ და მოელოდა დატუსაღება. მისი ოჯახი, და აგრეთვე გრიგოლ ფხალაძის, სამსონ ფალავას, ნატაშა სიხარულიძის (კირთავა), ბიქტორ მელიქოვის ოჯახები— იყვნენ თავშესაფარი სხვადასხვა დროს ჩვენი პარტიის ხელმძღვანელების და ჩვენი ორგანიზაციული მუშაობის.

ხშირად იყვნენ ალექსანდრეს სტუმრები ნოე ხომერიკი, ზაქარია გურული, შალვა აბდუშელი, კოტე ცინცაძე და სხ.

1918 წელში ალექსანდრე ხაბულიანი ქ. ქიათურის თვითმართველობის ხმოსანი.

მისი მუდმივი თანამგზავრი და ერთგული მეუღლე კატო იყო მუდამ მის გვერდში, მასთან ერთად ლებულობდა მონაწილეობას საზოგადო და სოციალდემოკრატიულ მოძრაობის საქმეში. ალექსანდრეს მით უფრო უადვილდებოდა და უდიდესი ხალისით და ენერგიით განაგრძობდა მოღვაწეობას, როცა მისი მეუღლე მისი თანამოაზრე, მის გაქვივრების თუ დაღვინების მოზიარეთ ეგულებოდა.

დაპყრობის შემდეგ ქიათურის სამრეწველო მმართველობასთან იყვნენ მიმავრებულნი—ალექსანდრე ხაბულიანი და ცნობილი ექიმი სვიმონ ჯაფარიძე. ისინი საკმაო თანხას უყრიდნენ თავს, რაც გადადიოდა დამკომის ფონდში ან კიდევ ხმარდებოდა ციხეში გამომწყვდეულთა ოჯახებს.

ალექსანდრეს ვაჟი—ჯაბა დღეს უცხოეთში იმყოფება. იგი დარჩა ერთგული თავის დედ-მამის იდეებისა და რწმენის,—ერთგული იმ სოციალდემოკრატიული პარტიის რომლის რიგებში იბრძოდა მისი საყვარელი დედ-მამა.

ალექსანდრე და კატო დღეს ჩვენთვის სიმბოლიურად წარმოადგენენ იმ მრავალ ათას ქართულ ოჯახებს, რომლებიც ჩაებნენ სოციალდემოკრატიულ პარტიის მუშაობაში და შექმნეს საქართველოში დიდი სახალხო მოძრაობა. მათ უმწიკვლო და თავდადებულ შრომას ვერ დაივიწყებთ ბრწყინვალე თაობის მომავალი ისტორიკოსი.

ვალიკვ ჩუბინიძე.

## მცირე ზენიჰვენები ღილ საკითხებზე.

### 1

სამხრეთ აზიაში მომხდარი ამბები და განსაკუთრებით— ინდოჩინეთის ტრალედია სამართლიანათ იქცევს განათლებულ კაცობრიობის ყურადღებას. რანაირი ცვალებადობაც არ უნდა განიცადოს იქ (როცა ეს სტრიქონები იწერება)—სამხედრო შეტაკებებმა, ძირითადი მიზეზები რჩებიან და ალბათ ინტერესთა დაპირისპირების მოგვარება, არც ისე ადვილი საქმე იქნეს. ამერიკა იცავს სამხრეთ ვეიტნამის ეროვნულ თავისუფლებას, მის დამოუკიდებლობას და ამავე დროს წინ ეღობება კომუნისმის ექსპანსიას... ხოლო პეკინ-მოსკოვის საერთო მოჩვენებითი ფორტი სრულებით ვერ ფარავს ამ ორ წითელ სახელმწიფოთა ქიშპობას,—თავიანთ, საკუთარ გავლენის მოსაპოვებლათ აზიის ამ კუთხეში... საბჭოთა საგარეო პოლიტიკამ აზიაში საერთოთ განიცადა ცვლილება. სტალინი ცდილობდა ადგილობრივ აფეთქების, აჯანყების და სოციალური რევოლუციის გამოწვევით—მოსკოვის გაბატონებას. მის შემდეგ ტაქტიკა იცვლება.

ევროპაში თანაარსებობის გატარებით საზოგადოებრივი აზრის მიძინება, —ხოლო აზია აფრიკის ქვეყნებში ანეიტრალურ ერთეულთა შექმნა—მათთვის ტექნიკურ-ფინანსიური დახმარებით—ერთგულ მოკავშირეთა შეძენა. ევროპაში—შესაძლებელი გახდა ჯერჯერობით თანაარსების სტრატეგიის განხორციელება, აზია-აფრიკის მხარეებში საქმე უფრო რთული გამოდგა. მოსკოვი იძულებული ხდება მრავალ ახალ სახელმწიფოთა—ნაციონალურ ბურჟუაზიასთან—დაიკავოს საქმე, კიდევ ეთვისება მას და აღიარებს, რომ ანტიიმპერიალისტი. ანტიკოლონიალური ბრძოლა შეუძლებელია ბურჟუაზიულ ძალებზე დაყრდნობის გარეშე, და მას სთვლის მხოლოდ რეალურ მოვლენათ, აფრიკა-აზიის ქვეყნების საზოგადოებრივ-ეროვნულ ცხოვრების წამყვან ძალათ. საბჭოთა პოლიტიკის ორიპრობა აშკარა ხდება, თუმცა იგი ძალიან ცდილობს თავის საიმპერიო ინტერესები შეუფარდოს—საკუთარ პარტიის იდეოლოგიურ კონცეპციას... ეს შესაძლებელი იყო მაშინ, როცა ადგილობრივი კომპარტიები თავიანთ წმინდა მოვალეობათ სთვლიდნენ «საბჭოურ სოციალიზმის» და წყობილების დაცვას... მაგრამ დრონი იცვალენ. მრავალ ქვეყნების კომპარტიებმა, წითელ შექაში სირბილს თავი მიანებეს და მას გადაუდგნენ კიდევ... ამავე საერთაშორისო ასპარეზზე გამოდის ჩინეთი—უკიდურესი ლოზუნგებით... კომუნისმის გამარჯვება—ნიშნავს ჩინეთის გამარჯვებას. ორი

წითელი გიგანტის ინტერესები ეტაკება ერთიმეორეს. ეს გამოჩნდა ჩინეთ-ინდოეთის კონფლიქტის დროსაც.

საბჭოთა რუსეთი—კაპიტალისტურ ინდოეთის მხარეზე აღმოჩნდა,—კომუნისტურ ჩინეთის წინააღმდეგ და ამხროვე მიაწოდა მას საგრძნობი სამხედრო და ტექნიკური დახმარება... საბჭოთა მთავრობა მოითხოვს მართალია, მალეზიიდან ინგლისის ჯარების გაყვანას და ვიეტნამიდან—ამერიკელების: მაგრამ ჩინეთის აქტიურობა მას იმდენათ აფრთხობს, რომ ეს მოთხოვნები უბრალო საპროპაგანდო საფარათ მოსჩანს. და აკი უკანასკნელად პეკინი ბრალს სდებს მოსკოვს, რომ იგი ნამდვილ დახმარებას არ უწევს ჩრდილო-კომუნისტურ ვიეტნამს... თორემ რუსეთს არ აკლია ატომიური თუ სხვა იარაღი რომ მას მართლაც სურდეს დახმარება...

რასაკვირველია, რუსეთს ჩინეთის მხედრული ძლიერების ჯერჯერობით მართლაც არ ეშინოდეს, მაგრამ მას აფრთხობს. აფიქრებს სულ სხვა გარემოება.

სახელდობრ: საბჭოთა რუსეთის მართველობის,—რომელმაც ქვეყნის ეკონომიური მდგომარეობა კატასტროფამდე მიიყვანა. მარცხი რომელიც მან განიცადა კუბაში, ხოლო ბერლინის მუქარაზე და დაშინებაზე ხელი აიღო, ამერიკის გასწრებაზე სიტყვასაც ვერ ძრავს,—მისი სასიცოცხლო ინტერესი მოითხოვს მისგან მუდამ გაკიცხულ კაპიტალიზმთან თანაარსებობის ტაქტიკა გააგრძელოს და გააღრმავოს, მით უმეტეს. რომ დასავლეთის ზოგიერთ ქვეყნების მთავრობისგან მან მიიღო უკვე გრძელვადიანი სესხი—და სხვებთან კი დასდო სავაჭრო ხელშეკრულებანი. მაშასადამე თუ ის აზრის ქვეყნებში დაეტაკა დასავლეთს, რომლისგან ის რამოდენიმეთ დამოკიდებული ხდება ეკონომიურად, თანაარსებობისგან მიღებული სარგებლობა მას მოესპობა და საგარეო ფრონტზე საქმე გაურთულდება და ეს მაშინ, როცა «სატელიტები»-ც კი დასავლეთისკენ იხრებიან და მასთან კავშირშიც კი შედიან.

რასაკვირველია, მოსკოვს არ შეუძლია ხელი აიღოს კომუნისტურ იდეოლოგიის პროპაგანდით—თავის საიმპერიო ინტერესებზე. მაგრამ მის ამდაგვარ ორმაგ პოლიტიკას მოხერხებულად იყენებს ჩინეთი, რომელიც თუ თვითონაც კარგად ურიგდება და ეთვისება აზიის ზოგიერთ ნაციონალისტურ წრეებს, მათ ბატონობას, სამაგიეროდ იყენებს რასიულ მოტივებს და თანდათანობით გზას იკაფავს, თავის გავლენის გასაძლიერებლათ და მოსკოვის იქიდან გასაძევებლათ.

## 2

ბრუმხოვს განხრახვა ჰქონდა კომპარტიების საერთაშორისო ყრილობაზე მოეხდინა ჩინეთის კომპარტიის გასამართლება, დაეგმო მისი ტაქტიკა და უმთავრესად უკუეგდო მისგან წარმოებული იტერპრეტაცია მარქსიზმ-ლენინიზმისა.

მის გამოსვლებიდან სჩანდა, რომ იგი მზათ იყო განხეთქილებაკი მოეხდინა, ვინემ რაიმე დათმობაზე წასულიყო... მის შემკვიდრებმა კი აირჩიეს მიკიბულ-მოკიბული ფორმულები და ჩინელებთან თითქოს მორიგების გზის გამოხახვა, რითაც მოსკოვი მხოლოდ უფრო დამკირებული გამოვიდა. მოსკოვში წინასწარ მოწვეულ კონფერენციაზე, რომელსაც დაესწრენ 19 ერის წარმომადგენელი, გამოირკვა საბჭოთა კომპარტიის წამყვანი როლის სრული სისუსტე, რომელიც იძულებული გახდა ადვილად შერიგებოდა რუმინელების უარს კონფერენციაზე მონაწილეობის მისაღებათ. საჭირო გახდა ხანგრძლივი მოლაპარაკება ინგლისის სუსტ პარტიასთან, რომელიც დათანხმდა დასწრებაზე იმ პირობით თუ არ იქნებოდა არავითარი მსჯავრი გამოტანილი ჩინეთის კომპარტიის შესახებ. კამათის დროს აღმოჩნდა გადახრა ჩინელებისკენ,—პორტუგალიის, ისპანიის, საბერძნეთის და რამოდენიმეთ სკანდინავიის ქვეყნებისაც. ჩინელებმა ფეხი მოიკიდეს ზოგიერთ აფრიკის ქვეყნებში, როგორც არის კონგო-ბრაზავილი, მალი, ზანზიბარი და სხ...

მოსკოვის ახალი მართველები შეიძლება ფიქრობდნენ დაკარგული პოზიციების დაბრუნებას, ფუქი ოცნებაა. წი. თელ მექაში მოსიარულეთა რიცხვი საგრძნობლად შემცირდა. გუმინდელი ერთგული მას თანდათან სცილდებოდა და მის წინააღმდეგ გამოდიან ..... დაწყებული შებრუნება უსათუოთ უფრო გაღრმავდება და თავის ლოდიკურ დასკვნამდე მივა...

### 3

ყოველი დიქტატურა უძველეს დროიდან მოყოლებული ამართლებს სოციალ-პოლიტიკურ დესპოტიას—ხალხის გაბედნიერების სურვილით. ამ გზას გაჰყვა ევროპაში წარმოშობილი და აწ განსვენებული ფაშიზმი, ხოლო ბოლშევიზმა შესძლო ჯერჯერობით ხელისუფლების შენარჩუნება; ნახევარი საუკუნის მანძილზე ხალხის სახელით და მის გაბედნიერებაზე განუწყვეტელი ტრაბახით—ნადგურდება ხალხი ფიზიკურად. იჩაგრება სოციალურად და ეკონომიურათ... საბჭოთა მთავრობამ უსათუოთ მძიმე წარმოების ინდუსტრიალიზაციას, რომელსაც უნდა მოჰყოლოდა ქვეყნის ნივთიერად მოღონიერება, მოქალაქის ნივთიერად უზრუნველყოფა. მოხდა წინააღმდეგი.

რატომ?

ოქტომბრის გადატრიალების მიმდინარე დღებში სტალინი სწერდა:

«ჩვენ ვმუშაობთ კაპიტალიზმით შემოფარგულ გარემოში. ამიტომ ჩვენი სახალხო შეურნეობა უნდა განვითარდეს როგორც ეკონომიური ერთეული დაყრდნობილი შინაგან ბაზარს»...

სტალინის ეს უტოპიური ამბავი დაიჯერა მის ერთგულ ამალამ და გაჰყვა მის რჩევას. საბჭოთა კარჩაკეტილი ეკონომიური პოლიტიკა დაუპირისპირდა,—დანარჩენ კაცობრიობის იმ აუცილებელ გზას, რომელიც თავს უყრიდა ყველა ერებს საერთო ბაზარზე. ეს იმ დროს, როცა არცერთ ერს არ შეეძლო და არ შეუძლია იცხოვროს განცალკევებით საკუთარი ბაზრით ... რასაკვირველია სტალინის ხელში აღმოჩნდა რუსეთის უდიდესი ნაციონალური სიმდიდრენი, მან ხელი მიჰყო მის საშინელ ექსპლოატაციას, მსგავსათ ეგვიპტის ფარაონებისა, რომლებსაც მასზე ნაკლები სიმდიდრენი არ ქონდათ, მათი ცნობილი მეთოდებით გატარდა კოლექტივიზაცია სოფლად, ინდუსტრალიზაცია ქალაქად... ვის არ ახსოვს «სტახანოვიზმი», «შრომის გმირები», წიგნაკებით ქარხანაზე მიმაგრება, «სუბოტნიკები», «შრომის იდეალიზაცია» და მრავალი სხვ. რამაც შეიწირა რამოდენიმე ათეული მილიონი ადამიანის სიცოცხლე... საბჭოთა სახალხო მეურნეობაში მიმდინარე კრიზისის ძირები მოდის სწორედ ერთხელ სტალინისგან მიღებულ უტოპიურ თეორიულ და პრაქტიკულ დებულებებიდან... წარმოებისთვის ცხადია, კაპიტალია საჭირო. მაგარც იგი რუსეთში არ შედიოდა, არამედ იკვებებოდა გადატარებულ მცხოვრებთაგან აღებული გროშებით.

კაპიტალი ინტერნაციონალურია, კაპიტალისტურ წყობილებაში ეს ადვილად წყდება. იგი მოდის კონკურენციის საშვლებით. კაპიტალი მუდამ ცდილობს წასაგები წარმოების უკუგდებას და მომგებიანში გადასვლას, მაგრამ თუ რომელია წამგებიან-მომგებიანი ამას უჩვენებს ბაზარი სოციალურ ძალთა ერთი-მეორესთან შეჯიბრება... რადგან საბჭოთა რუსეთში აღარ დარჩა კლასი კაპიტალის დამგროვებელი და წარმოებაში დამბანდებელი — ეკონომიური სისტემის კაპიტალი დარჩა ერთადერთი — ცოცხალი კაპიტალი, ე. ი. ადამიანის შრომა, რაც რუსეთში საკმაოდ აღმოჩნდა, რომლის მოხმარა და გამოყენება პოლიტიკურად ადვილი იყო — დიქტატურის ხელში. მაშინ როცა კაპიტალისტურ სისტემაში მთავარი სიმძიმე გადატანილია მუდმივ კაპიტალზე, ხოლო მცირე სამუშაო ძალაზე... აქედან ორი უდიდესი შედეგი, საქონლის სიძვირე და სიცოცხლე...

ასე იბოგინა უკანასკნელ ომამდე საბჭოთა ეკონომიკამ, მან მშრომელთა ჯანითა და ოფლით, ადამიანთა სიცოცხლის შეწირვით შიალწია ტექნიკის განვითარებას, მაგრამ არა ხალხის კეთილდღეობას...

თუ საბჭოთა სახალხო მეურნეობის არსებობა შესაძლებელი იყო ცოცხალი კაპიტალით და შინაური ბაზრით, ომის შემდეგ ვითარება უსათუოთ იცვლება, გამოწვეული როგორც საერთაშორისო პოლიტიკურ გავლენით, ისე შიგნით საზოგადოებრივ აზრის ოდნავ გამოფხიზლებით და მისი დაწოლით... მართალია შრომის პირობები და სოციალური კა-

ნონმდებლობა არც შემდეგ შეცვლილა, ან გაუმჯობესებულა, მაგრამ რადგან საბჭოთა მთავრობამ ომის პროცესში დაპირებული—მშრომელ მასებს ვერ გაუნაღდა, მან ოდნავ მაინც შეამსუბუქა ადმინისტრაციული წესები, ფარდა ცოტათი აიხადა და გამოჩნდა ეკონომიური სისტემის სრული სიკოტრე და ხალხის სილატაკე.

საბჭოთა მთავრობა იძულებული ხდება კაპიტალის სხვა წყაროებიოს,—ასეთი აღმოჩნდა «სატელიტები» თუ ანექსია ქმნილი ერების ნაციონალური დოვლათის იაფ ფასად შექენა და აქედან ფინანსიური თუ ეკონომიური დეფიციტის შევსება.

1953 წლიდან ამ ქვეყნების გაყვლეფაც შეუძლებელი შეიქნა. უმთავრესათ «სატელიტებში» ნაციონალური ინტერესების დაცვა და მოსკოვის «მფარველობიდან» განთავისუფლების სურვილმა გაზაროა... ეს შემოსავლის წყაროც მოესპო მოსკოვს. ამ ხნიდან გაძლიერდა უცხო კაპიტალისტების კარებზე ხეტიალი, ხელგაშვერილი თხოვნა,—გრძელვადიან სესხის მისაღებათ... ხოლო შიგნით მრავალ რეფორმათა გამოცხობა, მაგრამ არა ლიბერალური ზომებით—სისტემის შემსუბუქებით, არამედ კომპარტიის კონტროლის გაძლიერებით—სახალხო მეურნეობის ორად გაყოფით და პარტიულ ბიუროების ზევიდან თავზე მოხვევით... ცხადია «პარტ. აპარატჩიკები დააფრთხო კრიზისმა, პოლიტიკურ მართველობის შერყევის შესაძლებლობამ, მაგრამ სახალხო მეურნეობა ში წარმოშობილი ქაოსი უფრო გაძლიერდა და უკანასკნელ ხანებში მან მიიღო მწვავე ხასიათი, რამაც გამოიწვია ცნობილ ეკონომისტების ლიბერმან-ტრაპეზიკოვის გამოსვლა პრესაში... ორთავემ გააკრიტიკეს არსებული სისტემა დაახლოებით ერთდაგვარად და მით გამოაანეკარავეს საბჭოთა ეკონომიური პოლიტიკის უფარვისობა...

მათ მოითხოვეს, ცენტრიდან დირექტივების მოცემის მოხსნა, ზევიდან გეგმებით მართვა სამრეწველო დარგების ხელშეკრულების დადება სავაჭრო დაწესებულებებთან, მომხმარებელთათვის მოთხოვნის თანახმად პროდუქციის დანაღება, მომგებიანი წესების შემოღება და ფასების დაწესება, როგორც რეგულიატორი საწარმოო დარგების მდგომარეობისა და პროდუქციის ღირსება-ნაკლულოვანების მაჩვენებელი საქონლის თვით ღირებულების შემცირების მიზნითადგილობრივ სამმართველოების უფლების მინიჭება მუშახლის შორჩევისა და რიცხობრივად განსაზღვრის, ფინანსიური ოპერაციების უფლება და სხვ.

ხრუშჩოვის გადადგომის მეორე დღესვე მისი მემკვიდრეები იძულებული გახდნენ ყურადღება მიექციათ ეკონომისტების მიერ წამოყენებულ გეგმისთვის და გადაიყვანეს კიდევ რამოდენიმე ათეული ქარხანა წარმოების ახალ სისტემაზე.

3027X





1963 წელს იმავე კოსიგინ ბრუნევის მონაწილეობით პლენუმმა უარყო პროფ. ლიბერმანის პროექტი. ხოლო დღეს მისი მიღება და ისიც მხოლოდ მცირე რიცხვ წარმოებაზე გამოწვეულია იმ მიღებულ მეთოდის მიხედვით, როცა თითოეული «კლანის» მიერ ხდება ახალი იმედების დათესვა, საბჭოთა საზოგადოების გაბრიყვება, თორემ საბჭოთა მთავრობა ოდნავ არ ფიქრობს ლიბერმან ტრაპნიკოვის ახალ ეკონომიურ პოლიტიკის მიღებას. მას არ შეუძლია მოხსნას პარტიული კონტროლი, ამა თუ იმ სახით იგი ეხლაც ავრცელებს საცდელათ გადაყვანილ წარმოებაზე—და საერთოდ არც ფიქრობს მთელი წარმოების ახალ რელსებზე გადაყვანას. რადგან ეს იქნებოდა თვით დიქტატურის გადაშენება. თვითმკვლევლობას საკუთარი ხელით ვერ ჩაიდენს, ხოლო პროცესი დაწყებული ეკონომიურ და პოლიტიკურ კრიზისებისა ბოლოს მოუღებს არსებულ სოციალ-პოლიტიკურ დესპოტიას.

პ. ხ.

## ლენინი და ეკონომიკა საკითხი.

### II

ე. ი. ერთა თვითგამორკვევის პრინციპის აღიარებას, ლენინის არსენალში მარტივი იარაღის დანიშნულება ჰქონდა. ერთმხრივ მას უნდოდა დაენგრია რიგები რუსეთის მიერ დაპყრობილ ერებისა და მეორე მხრით მას სურდა დასავლეთის კოლონიალური იმპერიები. ლენინს მკვეთრად ჩაშოყალიბებულ, დასრულებულ და სრულყოფილ საქმიდან ვხედავთ ერთ ფაქტს, რომლის უარყოფა შეუძლებელია და თავის სახით გადავიდა ისტორიაში. ლენინი რუსი ნაციონალისტია. მთელი პარტიული იდეოლოგია და ინტერნაციონალური მოხუცები მიმართული მთელ კაცობრიობისადმი, მას სურდა მხოლოდ ერთი მიზნისთვის... მხოლოდ წითელი კრემლისთვის.

როგორი სახე მისცა მოსკოვმა თავის თეორიის განხორციელებას პრაქტიკულ პოლიტიკაში რუსეთის რევოლუციის, სამოქალაქო ომის განმავლობაში და მის შემდეგ?...

ბოლშევიკურ გადატრიალების შემდეგ, თითქმის პირველ დღეებშივე გადადგმულ იქმნენ გარკვეული ნაბიჯები დაპყრობილ ერების მიმართ.

1917 წლის 3 ნოემბერს აღიარებული იქნა «რუსების ერების უფლებათა დეკლარაცია... რომელიც ანიჭებდა ამ ერებს უფლებას რუსეთის საბჭოთა რესპუბლიკიდან ჩამოშორებისა, ერთა თვითგამორკვევის უფლებათა ნიადაგზე.

რას წარმოადგენდა თვით «რუსეთის ერების უფლებათა დეკლარაცია» დამტკიცებული 3 ნოემბერს 1917 წ. ჯერ თვით სახელი:

დეკლარაცია ამ ერებს ურყევათ სთვლის რუსეთის სა-  
კუთრებათ (რუსეთის ერები). მეორეს მხრივ მათ, თითქოს  
უტოვებს ჩამოშორების სრულ დამოუკიდებლობის უფლე-  
ბას. ეს პარადოქსი კრემლმა ყოველ მორიგ კონსტიტუციაში  
გაატარა და უკანასკნელ 1936 წლის კონსტიტუცია მას შემ-  
დეგი სახით აყალიბებს:

მე-17 მუხლი იმეორებს და ამტკიცებს დაპყრობილ ერე-  
ბის ჩამოშორების უფლებებს და ხსენებულ დეკლარაციის  
შინაარს იმეორებს.

მუხ. 21 აღნიშნავს, რომ ფედერაციის თითოეულ რესპუბ-  
ლიკის მოქალაქე არის ქვეშევრდომი არა თავის რესპუბლი-  
კის, არამედ მთელი საბჭოთა კავშირისა.

მუხ. 133 აღნიშნავს: «საბჭოთა კავშირის მთლიანობის  
წინააღმდეგ წარმოებული ყოველგვარი მოქმედება დასჯილი  
იქნება უმაღლეს სასჯელით (სიკვდილით). ე. ი. მუხ. 133 აბა-  
თილებს ყველა იმ უფლებებს, რომელსაც ანიჭებს დაპყრო-  
ბილ ერებს ამავე კონსტიტუციის პირველი ნაწილი. გარდა  
ამისა საბჭოთა წესით, კანონმდებელი ძალა აქვს არა თვით  
კონსტიტუციის პარაგრაფებს, არამედ კონსტიტუციის იმ  
ახსნაგანმარტებას, რომელსაც პარტია წამოაყენებს ყოველ  
მორიგ შემთხვევაში .. მოსკოვმა ეს ტრადიცია მტკიცთ შე-  
ინახა მეორე მსოფლიო ომის უკანასკნელ დღემდე...

1918 წელს 3 მარტს საბჭოთა მთავრობამ ხელი მოაწერა  
ზავის ხელშეკრულებას ცენტრალურ კოალიციის სახელმწი-  
ფოებთან ბრესტლიტოვსკის კონფერენციაზე. აქ საბჭოებმა  
მოისურვეს გამოსვლა მთელ ყოფილ რუსეთის იმპერიის სა-  
ხელით მაშინ, როდესაც უკვე ფაქტიურად დამოუკიდებელი  
იყვნენ და საკუთარი მთავრობები ჰყავდათ: უკრაინას. ამიერ  
კავკასიის რესპუბლიკას, ჩრდილოეთ კავკასიის რესპუბლი-  
კას და სხვებს.

თანახმად მოსკოვის მიერ აღიარებულ ერების უფლება-  
თა დეკლარაციისა და უკვე მიღებულ კონსტიტუციისა. რუ-  
სეთს არავითარი პრეტენზიები არ უნდა ჰქონოდა ამ რესპუ-  
ბლიკათა მიმართ. საბჭოთა რუსეთმა წინააღმდეგ აღიარებულ  
პრინციპებისა, მაინც მიმართა ყველა საშუალებებს, რომ ეს  
რესპუბლიკები ხელში ჩაეგდო. ჩვენთვის უკვე ცნობილია  
და აქ აღარ გავიუმორებთ თუ როგორი მუხანათური წესებით  
მან შეუსია ჯარები ამიერ-კავკასიის რესპუბლიკებს, და ისი-  
ნი დაიპყრო.

დანარჩენი ნაწილი ისტორიის ვითარებისა, ყველა დაპ-  
ყრობილ ერმა კარგად იცის საკუთარ ტრადიციის ეროვნულ  
ნაკვთიდან. მაგრამ მოვლენის მნიშვნელობა არ იწურება რო-  
მელიძემ დაპყრობილი ერის ინდივიდუალურ ტრადიციით,  
ან დროებით წარმატებით. დღეს ისტორიამ გადაშალა სულ  
ახალი ფურცელი მსოფლიო ვითარებისა და კაცობრიობა  
სულ ახალ-ახალ გზაჯვარედინზე დააყენა. დღევანდელი მდგო-

მარეობა საჭიროთ ხდის დაპყრობილ ერების განცალკევებულ ბრძოლის საერთო ჯამის შედგენას.

დღეს აუცილებელი საჭიროებაა მთელ კაცობრიობისთვის, რომ ამ მოვლენას შეხედოს და მისი მნიშვნელობა შეაფასოს მისი მსოფლიო საფეხურით და მსოფლიო ზომით.

დაპყრობილი ერების საკითხიდან ლენინმა შექმნა მარტივი, მაგრამ მძლავრი ორკმევითი იარაღი. ერთის მხრით იგი ჰკვეთავდა და არღვევდა რუსეთის მიერ დაპყრობილ ერთა საერთო ფონტს, მეორეს მხრით ანგრევდა დასავლეთის კოლონიალურ იმპერიებს.

ამ იარაღის პოლიტიკური მნიშვნელობა, ატომის იარაღის პოლიტიკურ მნიშვნელობაზე, ბევრათ მეტი გამოდგანახევარი საუკუნე ემსახურა იგი რუსეთის ძლიერებას...

... მაგრამ ამ იარაღის ძალა თავისთავით აღმოჰქარა, — დროთა ვითარებამ იგი შეატრიალა რუსეთის წინააღმდეგ. ეს მოხდა 1956 წელს და ისევ დაპყრობილ ერების საერთო ბრძოლის შედეგში...

ლენინი აქაც მართალი გამოდგა. ეს პროცესი სიმბოლიურად დაიწყო იმ წერტილში, რომლისაც ლენინს ძალიან ეშინოდა. იგი დაიწყო თბილისის ქუჩებში ბრძოლით 1956 წ. 9 მარტს და სრულიად ჩამოყალიბდა ამავე წლის ნოემბერში, როდესაც რუსეთმა ჩინეთის კარნახით ველარ გაბედა ვარშავის სისხელში ჩაღრობა ისე, როგორც ბუდაპეშტისა.

რუსეთი დაემორჩილა ჩინეთის «რჩევა-მოთხოვნებს» და ბუდაპეშტის «გამარჯვების» შემდეგ დათმობაზე წავიდა.

1956 წელში ამ ფაქტების მნიშვნელობა ყოველდღიურ კორიანტელში იფერფლება. დღეს მხოლოდ რვა წელმა გაიარა მის შემდეგ და ამ მოვლენათა მთელი მნიშვნელობა და შედეგები მძლავრ სილუეტით ჩამოიხაზა მსოფლიოში. ვერც ერთი მძლავრი იარაღის არსენალმა ვერ შესცვალა ისე რუსეთის პოზიცია, როგორც ამ მცირე მოვლენებმა.

დღეს უკვე ცხადია, რომ ისტორიის ახალი ფაზა თავის განხორციელებაში შევიდა 1956 წლის მარტ-ნოემბრის განმავლობაში თბილისის-ბუდაპეშტ-ვარშავის გზით.

ერთა განთავისუფლების პროცესი, რომელიც დაიწყო პირველ მსოფლიო ომში, დამახინჯებული იქმნა ძლით და დაგვიანებული ხელოვნურად მიუხედავად ამისა დღეს ამ საკითხს მაინც პირველი ადგილი უკავია კაცობრიობის განვითარების გზაზე. ეს არ არის შემთხვევა.

რამდენი ხანი შეიძლება ამ საკითხის ხელოვნური გართულება და დაგვიანება?... აი ეს ტრადიციული კონფულსიები, რომელსაც განიცდის კაცობრიობა ამ საკითხის დღევანდელ მდგომარეობის გამო, წარმოადგენენ ბატონ ლენინის პირად მიღწევას.

ვანო ნანუაშვილი.

პროფ. დ. მ. ლანგი  
და დამკვირვებელი კრიტიკოსები.

საქართველო აუცილებლად დიდი ისტორიული წარსულის ქვეყანაა, მაგრამ მისი საკაცობრიო ცივილიზაციის მთელი რიგი საკითხები შეუსწავლელია და ბნელით არის მოცული. მართალია, რომ ამ მხრივ ახლო წარსულისა და დღევანდელი საქართველოს ისტორიკოსებმა დიდი შრომა გასწიეს და ნაწილობრივ მაინც გამოიტანეს მზის სინათლეზედ ჩვენი ერის ცხოვრების ზოგიერთი ფრიად საინტერესო მომენტები.

მიუხედავად იმისა, რომ ზოგიერთი მათგანი ხშირად იყენენ ცალმხრივობას, მიკერძობას, არგუმენტების სისუსტეს და რაც მთავარია ხანდისხან პოლიტიკურ უბადრუკ დამახინჯებებსაც კი, მაინც საინტერესოა რადგან დებულებები წამოაყენეს და მეორე მკვლევარს აღუძრეს სურვილი სიმართლის ძებნისთვის, მაგრამ გამოჩნდნენ ისეთი «კრიტიკოსებიც» დამბაშიძე-მარგიანის სახით რომელსაც ცხოვრების უკუღმართი გზის არჩევით განუსაზღვრავთ, არა შეცდომების ძებნა და მისი სწორ გზაზედ დაყენება არამედ სიმართლის გაცრუება და მისი გაყალბება.

საკითხი ეხება პროფ. დ. მ. ლანგის ინგლისურ ენაზედ გამოშვებულ საქართველოს ისტორიას.

დიდი ხანი არაა, რაც რომ უცხოელი მეცნიერები საქართველოს ისტორიის საკითხით დაინტერესდნენ და მათ შორის ერთი საპატიო ადგილი პროფ. დ. მ. ლანგეს უჭირავს მის მიერ გამოცემული საქ. ისტორია ინგლისურ ენაზე ჩვენი ერის წარსულის შესწავლის და მისი პოპულარიზაციის დადებითი მოვლენას წარმოადგენს.

პროფ. დ. მ. ლანგს, მიუხედავად დიდი დაბრკოლებებისა, რაც მას აუცილებლად არაერთი და ორი შეხვედა მუშაობის მიმდინარეობაში, საკმაოდ რთული საკითხები დაუძლევიდა და საკმაოდ ნათლადაც დაუმუშავებია ბევრი საინტერესო დებულებები ჩვენი ერის პოლიტიკური და სოციალური წარსულისათუ არ მივიღებთ მხედველობაში ზოგიერთ არასწორ დასკვნების, რომელიც მას ადგილ-ადგილ გავპარა, მაგრამ ეს აუცილებლად მიზეზია დღევანდელი საქართ. პოლიტიკური მდგომარეობისა და არა პროფ. დ. მ. ლანგის დაუდევრობისა, რადგან, მას ალბათ არც ისე ადვილათ შეეძლო თბილისის არქივები ისე თავისუფლად ეჩიჩქნა, როგორც ეს ხდებდა ნორმალურ სახელმწიფოში და ნორმალურ პირობებში. პრ. დ. მ. ლანგი თავის საქ. ისტორიაში საკმაოდ დიდ ადგილს უთმობს საქ. ისტორიის იმ ბრწყინვალე პერიოდს როდესაც საქ. 117 წლის რუსეთის მოწოდების შემდეგ თავისი თავი მანვე მიიკუთვნა და საქ. დემ. რესპუბლიკის შენება დაიწყო, რასაც აუღლებებია ბატ. დამბაშიძე-მარგიანი და ამ ახალი მოდის დაქი

რავებულ კრიტიკოსებს შავის თეთრად გასაღება დაუსახავთ მიზნათ.

ჩვენ ხელთ გვაქვს გაზ. «კომუნისტი» სადაც პროფ. დ. მ. ლანგის საქ. ისტორიის «ვაი კრიტიკას» ერთ გვერდზე მეტი ადგილი აქვს დათმობილი და რომელიც საქ. ისტორიის გაყალბების განსახიერებას წარმოადგენს თავიდან ბოლომდე.

ბატ. ღამბაშიძე-მარგიანი ინგლისის ჯარების დროებითი ოკუპაციას ბათუმის ოლქისა სტრატეგიული მოსაზრებით, დამოუკიდებელ საქართველოს მთავრობის ცოდვად თვლიან. მაგრამ მათ ავიწყდებათ, რომ დამოუკიდებელი საქ. მთავრობის მოთხოვნისთანავე ინგლისმა ჯარი უკან გაიყვანა და ყოველგვარი საოკუპაციო ხარჯებიც პირნათლად გადაიხადა.

იქნებ რუსეთის საოკუპაციო ჯარებიც ღამბაშიძე-მარგიანის მოთხოვნით ხარჯების გადაუხდელოდ გავიდნენ საქართველოდან 45 წლის ცარცვა-გლეჯის შემდეგ, რადგან საქარ. «განთავისუფლება» 45 წლის განმავლობაში წარმოუდგენელია და შესაძლებელია ისინი საქართველოს ქართველებიდან ანთავისუფლებენ.

პროფ. დ. მ. ლანგის «კრიტიკაში» ღამბაშიძე-მარგიანმა საქ. დემ. რესპუბლიკის არჩევნებსაც კი გააკრეს კბილი და სახელდახელოდ მოგონილი პროცენტებით არჩევნებზე მონაწილეობის დაბალ პროცენტებს კომუნისტური პარტიის ბოიკოტით ამართლებენ. ცხადია რომ ბატ. ღამბაშიძე-მარგიანს არც საბჭოთა დოკუმენტებიზა გადაუვლიათ თვალი თორემ წინააღმდეგ შემთხვევაში ასეთ გაუმართლებელ შეცდომას არ ჩაიდენდნენ, რადგან საკმარისი იყო მათ გადაეხედათ ფ. მახარაძის 1921 წლის 6 დეკემბრის მოხსენებისათვის სადაც ნათქვამია რომ, «საქართველოში შესვლის დროს მათ იქ არამც თუ ორგანიზაციები, არამედ ერთი უჯრედისც არ დახვდათ ფეხზე», მაშ რომელ ბოიკოტზე გველაპარაკება ბატ. ღამბაშიძე-მარგიანი? რა თქმა უნდა ბოლშევიკურად მოგონილზე და ბოლშევიკურად დაუსაბუთებელზე.

ბატ. ღამბაშიძე-მარგიანის ქართულ პატრიოტიზმზე რაიმეს ვერ ვიტყვი, მაგრამ ისე როგორ გაფუჭდნენ, რომ ბრესლიტოვსკის ზავსაც სამართლიანად აცხადებენ და პროფ. დ. მ. ლანგს მიუთითებენ რომ «ის, იყო დიდი ლენინის გენიალური ნიჭის შედეგი», რადგან თურმე საქართველოს, უკრაინის, ბელორუსეთის და ბალტიის პირა ქვეყნების ტერიტორიის დარიგებით ლენინმა «დიდი ოქტომბრის მონაპოვარი» გადაარჩინა ისე რომ «უფროსი ძმების» მიწის ერთი მტკაველა არ დაკარგულა.

ბატონი ღამბაშიძე-მარგიანი საქ. დ. რესპ. და თურქეთის საზოა შეთანხმებას «სამარცხვინოს» ეძახიან და გამოდის რომ თურმე საქ. სრულ უფლებიან დემოკრატიულ რესპუბლიკას რაიმე მოსაზრებით ზავი რომ დაედო თურქეთთან «სამარცხვინო» ყოფილა. მაგრამ ლენინი თუ თავის ტყავის გადასარ-

ჩენად საქ. ტერიტორიას სხვებს დაუბრუნებდა ეს საამაყოცაა და სასიქადულოც, მაშ აქი თამამად შეიძლება ითქვას, რომ ვაი იმ სირცხვილს რომელსაც ბოლშევიკური ეტიტეტი აქვს და ვაი იმ ქართველს, რომელიც ბრესტლიკოვის ზავს ამართლებს. ქართველებმა კარგათ იცის სად დაიდო სამარცხვინო ზავი და ვაი იმ დაკნინებას ვისაც ყველაფერი ბოლშევიკური მშობლიური გონია.

ქართველი ადამიანი, რომელიც ბრესტლიტოვსკის ზავს დროებითად აცხადებს საქართველოსთვის ის აგერ 45 წელიწადი გრძელდება და სხვა რომ არ ვთქვათ ზაქათალას ოლქი, ალავერდი და მისი ავან-ჩავანი, მოსკოვური ბრესტლიტოვსკის «უფროსი ძმების» ძმური დახმარების შედეგია, რადგან საქ. დამოუკიდებლობის დროს საქათ. ტერიტორია 96 ათას კვად. კილომეტრს ითვლიდა დღეს კი 70 ათას ძლივსა აღწევს. გასაგებია რომ 26 ათასი კვადრატული კილომეტრი საქართველოს ტერიტორიას ბოლშევიკური რეცხვის დროს შეუშვრია და ბატ. ლანბაშიძე-მარგიანს ეს პატარა დეტალი ვერ შეუმჩნევიათ.

საამაყო ბატ. ლანბაშიძე-მარგიანს თქვენი ბოლშევიკური კრიტიკა, რომელიც აგებულება არა ფაქტებზე, არამედ «უფროსი ძმების» სურვილზე, რადგან 1959 წლის მოსახლეობის ოფიციალურ აღწერაში აზერბაიჯანში არცერთი ქართველი არ არის ნახსენები და ეს იმ დროს, როცა მოსახლეობაში ჩამოთხოვლი წიგნებით ცდილობთ, რომ ტანჯულმა ზაქათალელმა ძმებმა დედა ენა არ დაივიწყონ და ბოლშევიკების მიერ «განთავისუფლებულ საქართველოს» მართონ; ტულ მთავრობას ოფიციალურად კრინტიც ვერ დაუბრავს; აი რას ნიშნავს «უფროსი ძმების» მოტანილი თავისუფლება და აი რას ნიშნავს თქვენებურად დამოუკიდებლობა. ბატ. ლანბაშიძე-მარგიანი ჯამაგირის სანაზღაუროდ ყველაფერს სწერენ, რადგან ფიქრობენ, რომ ის «უფროსი ძმების» ჯიბიდან არის გაღებული, მაგრამ ვიცით რომ ის საქ. უსახდვრო ექსპლოატაციის ნარჩენია და თუ ისინი გამოიანგარიშებენ რა გააქვს რუსეთს საქართველოდან დაინახავენ, რომ მათი ჯამაგირის სახით უკან მხოლოდ ნიორთა ნარჩიელი ბრუნდება.

გასაკვირი არაა, რომ ბატ. ლანბაშიძე-მარგიანი ძალიან გესლიანად არიან განწყობილი საქარ. სოც.-დემ. პარტიასთან და მის ხელმძღვანელებთან, რომლებიც შეგნებულად «უფროსი ძმების» კარნახით მას თქვეფავენ რუსულ მენშევიზმში. ცხადია დაქირავებულ «კრიტიკოსებს» საქარ. სოც.-დემ. პარტიის მოძრაობაზე სრულებითაც წარმოდგენა არაა აქვთ და ცდილობენ ისტორიის შეგნებულად გაყალბებან.

«მესამე დასი» საქართველოში შეიქნა 90-იან წლებში, რომელიც არც მათი «დიდი ლენინის» ნაანდერძეგია და არც ჩერონიშევსკი, დობროლიუბოვ, გერცენის წყალობაა. ის ოფიცია-

ღურად იქნა საპროგრამო დებულებებით ჩამოყალიბებული ყვირილის კონფერენციაზე 1894 წელს და რომელმაც ჩანასახის დღიდან მიიღო ფორმა შეხამებული და შეფარდებული ქართულ ყოფაცხოვრება ზნე-ჩვეულებებთან.

ბრიყვათავისა ცნობილია რომ რუსეთში სოც. დემ. პარტია დაარსდა 1898 წელს მინსკის პირველ ყრილობაზე, სადაც ქართველი სოც.-დემ. პარტია მონაწილეობას არ იღებდენ, მაგრამ ქართული სოც.-დემოკრატია როგორც ინტერნაციონალური მიმდინარეობა მეორე ყრილობაზე ესწრება ავტონომიური უფლებებით და ხდება ერთ ერთი მოწინავე რაზმად როგორც საერთოდ სოც. მოძრაობაში ისე რევოლუციის მომზადებაში, მაგრამ მას საქართველოში და კავკასიაში არასდროს არც არავისთვის დაუთმია და არც არასდროს არ შეუჩერებია, ყოფილიყო ავანგარდი რევოლუციონერ მოძრაობისა. პარტიის გაყოფას საქართველოში ადგილი არ ქონია და მენშევიკ-ბოლშევიკობაც მისთვის უცხო და უნიადგო იყო.

რათ დასუირდათ ბატონ ღამბაშიძე-მარგიანს ინგლისელებისათვის ამტკიცონ, რომ საქ. ყოველგვარ შეთქმულებაში და ყოველგვარ აჯანყებებში კლასთა ინტერესების სხვაობა იყო, ეს ჩვენთვის გაუგებარია, რადგან ეს საერთო საქაცობრიო მოვლენაა და თვით ღამბაშიძე-მარგიანის აღთქმულ რუსეთშიც თუ გინდ დღესაც მათ «მონოლითურ» პარტიაშიც ათასი გადახრა-გადმთხრებით და ანტი პარტიულებით არის სავსე. რა გასაკვირია, რომ საქართველოშიც შეთქმულებებში ან აჯანყებებში სხვადასხვა კლასებს თავთავიანთი ინტერესი ქონოდა? საქმე ისაა, რომ ეროვნულ დამოუკიდებლობის საკითხში ყველანი ერთად იყვენ და ერთად მოქმედებდენ. ცხადია, რომ ბატ. ღამბაშიძე-მარგიანი «უფროსი ძმების» კარნახით ცდილობენ ქართველი ხალხის მისწრაფება დამოუკიდებლობისათვის დაჩქარონ და აჯანყებებს რალაც მეორად მიხეზებად ასაღებენ მაგრამ ცხადია ყოველგვარი აჯანყებები ყოველთვის იწყება მეორადი მიხეზებით და მთავრდება ეროვნული ამბოხებით. ისე როგორც 1956 წლის 9 მარტს, სტალინის დაცვის ეტიკეტით «უფროსი ძმების» ტანკებმა ქართველი ახალგაზრდობის გულზე გადაიარეს რუსთაველ ის პრა-სპექტზე.

ბატონ ღამბაშიძე-მარგიანს საქართვე. კოლექტივიზაციის «მშვიდობიანათ» ჩატარების თეორიაც კი წამოუყენებინათ, რადგან ჩეკის შიშით ხმას ვერავინ იღებდა და დამპალი გროზნის სიმინდის ჭამით პალეგრის ეპიდემიით იყო შეპყრობილი. მაგრამ 1928—32 წელი საქართველოს ძვირი დაუჯდა და საუკეთესო ჩვენი სოფლის მეურნე გლეხობით ციმბირი იქნა გავსებული.

ისინი საქარ. დემ. რუსპუბლიკის მიწის რეფორმასაც კი «აკრიტიკებენ» რადგან საქართველოს მთავრობამ მიწა გლე-

ხებს დაურიგა და ბოლშევიკებმა კი წაართვეს და მიწის სახელმწიფო საკუთრებათ გამოცხადებით, ვლენები სახელ მწიფო მონებათ გახადეს.

ბატ. ლამბაშიძე-მარგიანი პროფ. დ. მ. ლანგს მიუთითებენ რომ ის ყოველთვის საბჭოთა დოკუმენტებით არ სარგებლობს, მაგრამ ცხადია თვით ლამბაშიძე-მარგიანიც, რაღაც მოსახრებით, ძალიანი მძლეთ სარგებლობენ საბჭოთა დოკუმენტებით, რადგან ან მათ არ აქვთ საშუალება ისარგებლონ ამ ოფიციალური წყაროებით ან გვერდს უვლიან მას, წინააღმდეგ შემთხვევაში ძნელი გასაგებია «კრიტიკის» ასე მოჭორუცი და შეთხზული მარგალიტებით დამშვენება, როგორც ვთქვით მათ არ უსარგებლიათ ფ. მახარაძით, არ იცნობენ რადეკის განცხადებას ინტერნაციონალის კონგრესზე და არც კარახანის «საქმე საგმიროზე» გაუგონიანთ რაიმე. ალბათ ასეთი დოკუმენტების სარგებლობის უფლება იქ ყველას არა აქვს.

1921 წლის 25 თებერვალზე ბატ. ლამბაშიძე-მარგიანი არაფერს ლაპარაკობენ ალბათ იმიტომ რომ «უფროსი ძმების» და «უმცროსი ძმების» «მეგობრობაზე» თვით იმდენი ფაქტები აქვთ, დაწყებული ერეკლე მეფიდან და ეკატერინე მეორიდან; როდესაც ჩვენი მცხოვანი მეფე «უმფროსმა ძმებმა» ვერაგ მტერს მიუგდეს საჯიჯგნელად, მიუხედავად ტრაქტატისა და «უფროს უმცროსობის შეფიცვისა», გათავებული ბატ. ლამბაშიძე-მარგიანის პაპაშა ლენინით, რომელმაც 1921 წლის თებერვალში საქართველოს დემოკრატიულ რესპუბლიკასთან 1920 წლის 7 მაისის ხელშეკრულების მიუხედავად დამპყრობელ ურდოთა არმია გამოგზმვნა და ჯვარს აცვა.

დიდი ხანი გავიდა მას შემდეგ და შეიძლება 7 მაისის ხელშეკრულების დარღვევაში «უფროსი ძმები» არაფერ უშაშია და ის რომელიმე გადახრა-გადმოხრის ან რომელიმე კულტის მიზეზით იქნა მომხდარი და ესლა როცა რუსეთი «სოციალიზმში» შესკუპდა და ორი ფენის ნაბიჯზე კომუნიზმს უმიხნებს ყოვლის შემძლე და ყოვლის მცოდნევე ბატ. ლამბაშიძე-მარგიანო იფიქრეთ ამ გადახრა-გადმოხრის და კულტ-მულტების შეცდომების გამოსწორებაზე.

1921 წლის 25 თებერვლიდან—დახვერტილ, გადასახლებულ, ციმბირში დაწყვეტილ ქართველ პატრიოტთა ხსოვნა მაიძულებს «უფროსი ძმების» მოქმედება ზიხლით მოვისენიო. ხლო ბატ. ლამბაშიძე-მარგიანის პატრიოტობაზე ეჭვი ავიდო, რადგან ქართველი კაცი რომელიც კოჯორ ტაბანმელაზე სამშობლოს დაცვისათვის დაღუპულ ქართველ პატრიოტთა მსხვერპლს გაამართლებს, იმას ქართული გული არ უნდა ქონდეს. განა არ ახსოვთ მათ რომ 1924 წლის ეროვნული ამბოხების დროს საბურთალო ქართველ პატრიოტთა სასაკლავოდ გადააქციეს «უფროსმა ძმებმა» განა არ იციან მათ რომ საბურთალოს ქალაქის საძირკვლები ქართველ მამული-



შვილთა ძვლებზე არის აშენებული ან არ გაუგონიათ რომ ციმბირის არცერთი კუთხე არაა ისე რომ ქართველ ტანჯულ გადასახლებულთა უპატრონო ძვლებით არ იყოს დათესილი. იციან მაგრამ შეგნებულად მალავენ, აქედან ვასკენიძე, რომ ჩვენში დასაბამიდან უმცროსი ძმა უფროსი ძმის გვარს ატარებდა, ამიტომ წყალობა იქით მიდის და თქვენი ზნაუ იქითაა ღამბაშავ და მარგიანოვ. კოჯორზე და ტაბახმელაზე დანთხეული სისხლის სმით გასუქებული ქართველი საქართველოს ვერაგ მტერზე უფრო მტერია. თქვენ საქართველოს დანპრობელებს დუღუქზე ცეკვავენართ, ჩვენგან ტაშის დაკვრას ნუ მოვლით, საქართველოს თავისი მომავალი აქვს, ნამდვილი ისტორია თავისას იტყვის.

მ. ბერიშვილი.

## საგზოთა მშენებლის—

### ძველი და ახალი.

... საჭიროებას აღარ წარმოადგენს იმის ახსნა, თუ რა მიზნებს უსახავს საბჭოთა ხელისუფლება მწიწლობას, კერძოდ მხატვრულ შემოქმედებას. ამ მხრივ საკმაოდ დაწერილა. საინტერესოა ავსხნათ და განვმარტოთ, რა პირობებში იყო და არის ჩაყენებული, განვითარების რა საფეხურზე, რა მხატვრულ ესთეტიურ სიღარიბისა თუ სიმდიდრის გარემოში მოექცენ, იმყოფებიან ის ლიტერატურული ძალები, რომლებსაც უხდებოდა თავის შემოქმედებითი შრომის გაწევა დიქტატურის მიერ შექმნილ-შევიწროებულ პირობებში.

აღვნიშნავთ მოკლეთ.—იმ მიმართებას, რომელიც მწერლობას მიეცა დაქირავებულ კრიტიკისგან: თემატიკის იდეოლოგიური გადამუშავება, შინაარსის პრიმატობა, რაციონალური მიდგომა ლიტერატურის და ხელოვნებისადმი. ამ დებულებათა ნიადაგზე მოხდა მწერლობის სრული დამორჩილება, მისი საშვალეებით პოლიტიკურ-პარტიულ პროპაგანდის წარმოება. იყო პერიოდი სხვადასხვა: ხანა სამხედრო კომუნისმის, შემდეგ ხანა «ნეპის», მას მოჰყვა სტალინის პიროვნული კულტი. ათეულ წლების მანძილზე თავაშვებული პანეგირიკა.—სტალინის ქება-დიდება პროზაში თუ პოეზიაში, ხანა ომისა...

პარტიული პრინციპების და დოგმების გატარების დროს გამოირიცხული უნდა იყოს პესიმისტური განწყობილები ჩანასახი, არამედ სრული ოპტიმისტური მოტივები, საუკეთესო პერსპექტივები, რადგან გაბედნიერებული ცხოვრება, რომელიც დაამყარა კომუნისტურ პარტიამ,—სრულებით არ იძლევა თურმე პესიმისტურ სულისკვეთების ნიშნებს...

იწყება მწერლობის სტალინიზაცია. რასაც მოყვება მწვავე შედეგები—სხვადასხვა ჯგუფების განადგურება და ერთ

მთლიან მონოლიტურ ერთეულში მწერლობის მომწყვდევით ე. წ. «სოციალისტურ რეალიზმის» მეთოდის რელსებზე გადაყვანა...

პირველ ხანებში მოხდა კლასიკოსების გაწბილება გაჩირვდა, ხოლო როცა სიყვარული ძველი მწერლობისადმი მძლავრი აღმოჩნდა ხალხში. ოფიციალურმა კრიტიკამ შესცვალა ტაქტიკა და გადმოიხროლა ლოზუნგი მიმბაძველობის, — დაპყრობის, ძველი მწერლობის მხატვრული მეთოდების ასათვისებლათ...

«სოციალისტური რეალიზმის» დანიშნულებაა შემოქმედებას შეუწარმუნოს, — თუ შთაუწერგოს იდეოლოგიური ძირები, რაც პრაქტიკულად იმაში გამოიხატება, რომ პროზაულ თხრობაში წამყვანი როლი ენიჭება კომუნისტს, რომლის პიროვნებას ახასიათებს უნარიანობა, გამჭირახობა, თავდადება, წარმოების ის დარგი, სადაც ის ხელმძღვანელობს, მიდის წარმატებით, მის ჭკუა-გონებას მიეწერება მრავალი მიღწევები. მის გვერდზე გამოყვანილია ტიპი ჩლუნგი გონებით, უნარს მოკლებული, ან კიდევ ძველი, უსათუოდ «დრო-მოკმულ ბურჟუაზიის» გადანაშთი, მაგნე. ამ დაპირისპირებულ ტიპს შორის გამართულია დიალოგი. ერთი განსახიერებელია ახალი საზოგადოება, აღმავალი ბედნიერების მაძიებელი. მეორეში დახავსებული ნაწილი საზოგადოების, დროიდან განწირული, მოსასპობად გამზადებული.

პროფესიის რომანტიულობა — ანუ შრომის იდეალიზაცია შრომის პროცესის მხატვრულად ასახვა უნდა გაიშალოს მთელი სიმაფრით და პოეტური შთაგონებით. მწერლის ამოცანა ამ რომანტის გახსნა, მისი ფრთის შესხმა, რაც გამოიწვევს შრომისადმი აღტკინებას. ენერგიის დაქიმვას. გმირულ თავდადებას. ამან წარმოშვა შრომის გმირები და აქედან კი დანიღმული ექსპლოატაცია შრომის... შრომის პროცესის გადმოცემის დროს მწერლის მოვალეობას შეადგენს მუშის სულიერ სამყაროში ჩაწვდეს — ორი მოპირდაპირის აღმოჩენა. — ერთი უგულო, ზარმაცი, უსაქმური, ეგოისტი, — პირად ბედნიერებაზე მეოცნებე, მეორე კოლექტიური ინტერესებით გამსჭვალული, ახალი საზოგადოების მშენებელი... ეს უკანასკნელი უნდა იყვეს ის ადამიანი, რომლის შექმნისთვის გააფთრებით ბრძოლა სწარმოებს პარტიულ იდეოლოგიურ ხაზით. და რომლის აღმოჩენა და განსაკუთრებული ფსიქოლოგიურ-სულიერი სამკაულით ჯერ არსად სჩანს. ყოველ შემთხვევაში ოფიციალური კრიტიკა, ხელისუფლება ამ ახალი საბჭოთა ადამიანის ძებნაშია. ბოლშევიკური კრიტიკის თვალსაზრისით, რეალურ ცხოვრების გაგება შეუძლია მას, ვინც შეიარაღებულია მოწინავე მსოფლმხედველობით, — ეს მსოფლმხედველობა — ლენინიზმია. — მისით შეუძლია მხოლოდ მწერალს — ახსნას საზოგადოებრივი ცხოვრების პროცესი, გაიგოს, შეიცნოს, — შეუმჩნეველი და შეუცნობი. ამ

დირექტივების ქვეშ ათეულ წლების მანძილზე შექმნილი დირექტურა, გარდა ისტორიულ რომანებისა.—თუ ისტორიკოსთა გამოდგება—იმის აღსანიშნავათ თუ როგორი დაკნინება, დაცემა განიცადა მრეწველობის ყველა დარგმა.

ახალი საბჭოთა ადამიანები, კომუნისმის მშენებლები ცხადია ახალგაზდობიდან მასსიურად უნდა მოდიოდნენ.. მაგრამ სწორედ ამ ახალგაზდობაში უმთავრესად ოქნის შემდეგ გაიზარდა მისწრაფება, პიროვნულ, ნივთიერ და სულიერ მოთხოვნილების დასაკმაყოფილებლად. თავგანწირული შრომის გაწვევა ციმბირის «ყამირებში»—რომანტიული აღტაცებით მხოლოდ გახეთის ფურცლებზეა გადაჭრელებული... ახალგაზდობა იქ გადაყრილი «თავის სურვილით» გამგზავრებული—ყოველგვარ საშვალებას მიმართავს თავი დაანწიოს იქაურობას.

... დესტალინიზაციამ, მასსიური ტერორის შემცირებამ, სტალინის კულტის მხილებამ და მის გარშემო ატეხილ განგაშმა გამოიწვია ერთგვარი მოძრაობა, ჩაფიქრება, მოვლენების მიმართ კრიტიკული მიდგომა, რამოდენიმედ შეიქმნა პირობები «სოციალისტური რეალიზმის» გვერდის ასახვევად... გამოჩნდა პირველი მერცხალი დუდინცევის სახით, რომელმაც თავის რომანში: «არა ერთი პურიცა»,—მზის სინათლეზე გამოიტანა ის სოციალური დაყოფა, რაც თანდათანობით წარმოიშვა საზოგადოებაში. გადაიშალა სურათი: სიღარიბე, შევიწროება, დამცირება—ერთის მხრივ. ფუფუნება, სიმდიდრე განცხრომილი ცხოვრება ბობოლა მოხელეთა, მცირე ჯგუფთა...

ეროვნული ერთეულებიც ვერ აცდებოდნენ ცენტრის პოლიტიკურ დირექტივებს.... საქართველოს დაპყრობით—გამოწვეული ტრადიციის მწვავეთ განიცადა მწერალთა იმ პლყადამ, რომელიც აღზრდილი იყო თავისუფლების შემოქმედების გაშლისა და განვითარების ნიადაგზე. იგი მოემწყვდა პარტიულ თეორიების და დოგმების რკალში.

ესაა პერიოდი ჩვენს მწერლობაში, სხვადასხვა ჯგუფების გაქრობის, ახალი წარმოშობის, წლები მებრძოლების, როცა სიტყვის ისტატური მოქნილობით, მხატვრული ვირტუოზობით ცდილობს შებორკილი კალამით—ამხილოს ქართველი ხალხის გულში ჩამარხული ნაღველი, დაიტვიროს გუშინდელი დაქარგული თავისუფლება, და ამ თავისუფლების აღდგენის სურვილი სინათლეზე გამოიტანოს. ამით ის ეპირისპირება ხელისუფლებას, რომელიც ცდილობს მოსკოვისგან შემოტანილ წესების დანერგვას,—ახალ ეკონომიურ სისტემის მოწყობას და დამაგრებას. ეს შებრძოლება აღსავსეა მძიმე დრამატული მოვლენებით... საოკუპაციო ხელისუფლება რჩება განმარტობებული, ვერ ნახულობს მწერლობის სახით იმ მოკავშირეს, რომელიც აუცილებელ საპირობებას წარმოადგენდა მისთვის საზოგადოებრივი აზრის დასაპყრო-

ბად... მისი დასაყდნობი ხდება მცირე ჯგუფი, ე. წ. «პროლეტარულ მწერლობად წოდებული. ამ უკანასკნელს არ გააჩნია ძალა წამყვანი, ხელისუფლება ფიქრობს მის გაზრდას და გამაგრებას, მის იდეურ-მოძრავე ძალად გადაქცევას—ნორმალურ მწერლო ასპარეზის დაპყრობას. ყველა დანარჩენი ძალები ინათლება დეკადანტურ-სიმბოლისტურ მიმართულებათა ზოგიერთები კიდევ ხალხის მტრებათ. ეს ეტაპი—სტრატეგიული შეჯგუფების, სამწერლო ასპარეზიდან მრავალთა გასვლის, კალმის ხელიდან გაგდების.—ან კიდევ იძულებითი მოქცევის ხანაა... იგი შეევა ისტორიაში ვითარცა სრული შემოტევა—თავისუფალ შემოქმედების აღმოფხვრის უდიდესი ცდა, რაც მიღწეულ იქნა მრავალთა ჩაჩუმებით, ზოგიერთი ფიზიკური მოსპობით, გავიხსენოთ ჩვენი სახანელ როზნანისტის მიხეილ ჯავახიშვილის და ცნობილ პოეტთა დაღუპვა.

გულშემწარავი ხოტბა—ტირანისა, ხლო სტალინის ხატის წინ პირჯვარის გადაწერის შემდეგ,—მწარე თქმებში მოიხმის კენესა მშობლიური ქვეყნის ტკივილებისგან გამოწვეული. მეორეს მხრივ მოხდა უდიდესი მნიშვნელობის მოვლენა ქართულ მწერლობაში. საქართველოს ისტორიული წარსულის იდეალიზაციის მოხდენით.—გაცოცხლებულ იქნა შორეულ წარსულის ადამ-ჩვეულებანი, ბრწყინვალე გმირული ბრძოლები აისახა მხატვრულ ფორმებში, დიდ ტილოზე გადმოიშალა—ჩვენი ძველი სახელმწიფოებრივი ტრადიციები...

დესტალინიზაციის შემდეგ ყველა განაპირა ქვეყნების ნაციონალურ მწერლობაში—იფეთქა თავისუფალ შემოქმედების ტალღამ, რაც ისე არ უნდა იქნას გაგებული თითქოს მწერლობას მიეცა საშუალება შეასრულოს თავისი მისია ამხილოს ჩაგვრა სოციალურ-ეროვნული. სრულებითაც არა. ამას დიქტატურა აბა როგორ მოითმენდა. ახალგაზრდობამ ხელი მიჰყო თავისუფალ თემათა დამუშავებას. სიტყვის უაღრესი პათეტიკობით ხდება შექება—მეგობრობის, სიყვარულის, ბუნების, მზისა და მთვარის... საქართველოს კუთხეებზე მშობლიურ გრძობებზე... ამით მწერალი თანდათანობით შორდება პარტიულ კარნახის ქვეშ წერას... ბევრ სიტყვა კანზულ ნიმუშებში საიდუმლოებაა, ყრუ სუნთქვა და ამ სუნთქვაში თითქოს იგრძნობა რალაც საიდუმლოება გაუმხელ ტკივილებით დატვირთული.

საქართველოში გამოჩნდა პროზაული ნაწარმოები, დუდინცევის ხასიათისა.—სადაც მხილებულ იქნა საზოგადოების სხეულზე გაბატონებულ მოხელეთა თარეში... ამა თუ იმ პროზაულ ნაწარმოებში ნათლად გამოჩნდა რეალობა საბჭოთა საზოგადოებრივ ცხოვრების, მისი წყობის და უმთავრესად სოციალურ დაყოფის—ახალ განებეივრებულ კლასის წარმოშობის...

ოფიციალურ კრიტიკას არ გამოჰპარვია ზოგიერთი გაბედული გამოსვლა... რამაც გამოიწვია ხრუშჩოვის ცნობილი

გამოსვლა—სპეციალური ინტელექტუალური ძალების ფართო თათბირზე—მოსკოვში.

დესტალინიზაციისგან შექმნილი პირობები—თანდათან იცვლება; იწყება უკან დახევა. პიროვნების კულტის სცვლის—კულტი პარტიის. პარტიულობა—თანდათან უბრუნდება მხატვრულ ლიტერატურას.

ამაზე შემდეგ.

ა. მაფროძე.

## ხ მ ა უ ლ ი რ ს ი.

«სამ. ხმის» უკანასკნელ ნომრის ფურცელზე საქართველოს ს. ს. რ. უმაღლეს საბჭოს პრეზიდიუმის თავმჯდომარეს ძაწონიძეს აღმოუჩენია, რომ ერის ცხოვრებაში არის თარიღი ტრალიკული მოვლენით სავსე, რომელიც გვახსენებს ჩვენს ქვეყანას დანგრეულს და გაპარტახებულს, ბრძოლებს დამპყრობელთა წინააღმდეგ, არის თარიღი კი, რომლის მოგონება ალავსებს გულს სითბოთი, სიხარულით და სიაზაყით. ასეთ სასიხარულო თარიღს შორის არის 1921 წლის 25 თებერვალი. დღე რომელმაც თითქოს—საქართველოს მოუტანა თავისუფლება, დამოუკიდებლობა და ბედნიერება—თურმე.

დიახ, ასე სწორია შავით თეთრზე ჩვენ შეტს არ მოველოდით იმათაგან, რომლებიც რუსის ხიშტით წამოსკუპებულან საქართველოს საოკუპაციო ხელისუფლებაში და 24 საათში დამაგრდებიან, რომ საშუალება იყვეს ხალხის სურვილის გაგების. განა სწორეთ 1921 წ. 25 თებერვალს არ დაიპყრო საბჭოთა რუსეთმა საქართველო? განა ამ თარიღში არ იყო რომ ჩვენი დედა-ქალაქი შავი ძაძებით შეიმოსა? განა ამ თვეში არ იყო რომ ახალგაზრდების სისხლი დაიღვარა კოჯორ-ტაბახმელაზე?...

ნუთუ ადამიანს, ბატონების სამსახურში ისე უნდა დაებნეს გონება, რომ ოდნავ მაინც პატივი არ სცენ ქართულ სისხლს. ნუთუ შეიძლება უცხო ძალისაგან დაპყრობა—ეროვნულ თავისუფლებათ და დღესასწაულათ გამოაცხადო?

სად არის საქართველოს დამოუკიდებლობა როცა ქართველი ერი გამორიცხულია ერთა ოჯახიდან? განა ცინიზმსაც არ უნდა ჰქონდეს ერთგვარი საზღვარი? რამდენიც არ უნდა იცროუნ ბ-ნ ძაწონიძეებმა საქართველოს ტრალიკულ თარიღს, 1921 წლის 25 თებერვალს, ბედნიერ თარიღათ ვერ გაასაღებს, შავს თეთრათ ვერავის მოაჩვენებს, ქართველი ერის დაბრიყვება არც ისე ადვილია, როგორც ძაწონიძეს წარმოუდგენია.

რაც შეეხება იმ აღმშენებლობას, რომელსაც ის ჩამოთვლის და 1913 წლის სტატისტიკით გამოაპყავს ეროვნული ცხო-

ვრების შესაძლებლობა უნდა შევნიშნოთ, რომ ამ წლის შემდეგ ნახევარ საუკუნეზე მეტი გავიდა, ცხოვრებამაც წინ წაიწია—საქართველოს დამოუკიდებლობის და თავისუფლების ხანაში იგი უსათუოთ მეტს მიაღწევდა, თუმცა ასეთნაირი მიდგომაც მცდარია, რადგან საქართველოს ეკონომიკა იკვებება მოსკოვიდან. საიმპერიო საპირობების მიხედვით და საქსპორტოთ და არა ადგილობრივ მცხოვრებთა კეთილდღეობისათვის...

უსათუოთ იხსნება სკოლები და ხალხიც სწავლას ეწაფება მერე? განა ეს თქვენი დამსახურებაა? საოკუპაციო ძალაუფლების წყალობაა? არა იგია მაჩვენებელი ქართველი ერის პოლიტიკური და კულტურული სიმწიფის—რომელსაც წინ ელოდება ბ-ნო ძაწონიძე თქვენი მფარველი მოსკოვის რუსი-ფიკატორული პოლიტიკა.

ბანგელი.

---

### ვერა (ბოკა) წულაძე

მძიმე ავადმყოფობის გამო,—პარიზის ერთ-ერთ საავადმყოფოში გასული წლის 13 დეკემბერს გარდაიცვალა ქალბატონი ვერა (ბოკა) წულაძისა. დაკრძალულ იქნა სოფელ ლევილის ძმათა სასაფლაოზე მრავალრიცხოვან ქართულ საზოგადოების თანადანსწრებით.

«ჩვენი დროშა»-ს რედაქცია გულწრფელ თანაგრძნობას უცხადებს ბაგრატ წულაძეს ერთგულ და მუდმივ თანამგზავრის და მის შვილებს ძვირფასი დედის დაკარგვის გამო.

### ეთერი თაყაიშვილი.

სიცოცხლით სავსეს თუთხმეტი წლის უკან აღმოაჩნდა განუკურნებელი სენი. შვილისადმი თბილი სიყვარულით უაღრესად აღვსილმა მშობლებმა მრავალ სხვადასხვა საექიმო საშუალებებს მიმართეს. განუწყვეტლივ თავს დასტრიალებდნენ და მოვლას არ აკლებდნენ. სიკვდილმა თავისი გაიტანა, უმანკოებითა და სიწმინდით სავსე სული წვალებაში დაილია, უსაზღვროდ დაამწუხრა მშობლების გული და ქართული საზოგადოება, რომელმაც,—მრავალ-რიცხოვანმა და თვალცრემლიანმა ლევილის ძმათა სასაფლაომდე მიაიკლა, თეთრყვავილებით შემკული ცხედარი ამაწლის 7 მაისს.

«ჩვენი დროშა»-ს რედაქცია გულწრფელ თანაგრძნობას უცხადებს ბ-ნ ილიას, ქ-ნ თამარს, მათ შვილებს და მთელ ოჯახის წევრებს ძვირფას ეთერის უდროოდ დაკარგვის გამო.

---

მიხაკო წერეთლის სიკვდილმა ძლიერ დამაღონა. ვწუხვარ დიდი პატიოტისა და მწერალის დაგარგვას.

ანტონ ქვარცილიანი.

## ნიკოლოზ ნიკოლაიშვილი.

ხანგრძლივი ავადმყოფობის შემდეგ 10 აპრილს პარიზში გარდაიცვალა ყოფილი იუნკერი ნიკოლოზ ნიკოლაიშვილი. დასაფლავება მოხდა მრავალი ხალხის თანადასწრებით 16 აპრილს, ლევილის ძმათა სასაფლაოზე.

### «კ ა ვ კ ა ს ი ო ნ ი»

გამოვიდა «კავკასიონის» მე 10 ნომერი, რომელიც მიძღვნილია 1924 წლის აგვისტოს აჯანყებისადმი.

ამ მხრივ ფრიად საინტერესოა ყველა მასალები—მოგონებები და ლექსები.

ადგილი დათმობილი აქვს აგრეთვე ნიმუშებს პოეზიიდან და პროზიიდან.

### ვ. ნოზაძის მოხსენება.

მწერალთა და ჟურნ. კავშირის გამგეობამ მოაწყო 9 მაისს ქართულ საზოგადოების წინაშე ბ.ნ. ვიქ. ნოზაძის მოხსენება შემდეგ თემაზე: «რუსთაველისა და დანტეს მსოფლგაგება».

მწერალთა და ჟურნალისტთა საზოგადო კრება.

ამაწლის 11 აპრილს შესდგა საფრანგეთში მყოფ ქართველ მწერალთა და ჟურნალისტთა საზოგადო კრება.

არჩეულ იქნა ახალი გამგეობა შემდეგი შემადგენლობით: გ. ყიფიანი—თავმჯდომარე, მ. გრიგოლია—მდივანი, გ. წერეთელი—მოლარე. წევრები—გ. ნოზაძე და მ. ქავთარაძე.

### სადღობის გამოცხადება.

თამარ და ილია თაყაიშვილები, შვილებით უღრმეს მადლობას უძღვნიან იმ პატივცემულ მეგობრებს, რომლებმაც თავიანთი პირადი დასწრებით, წერილებით თუ დეპეშებით გაიზიარეს მათი უღრმესი მწუხარება საყვარელი შვილის და დის ეთერის უღროლოთ დაკარგვის გამო.



საქართველს ხელ.-დგემ. პარტიის ყველა ორგანიზაციები

1965 წლის 27 ივნისს 15 საათზე პარიზში მართავს

## კ ა რ ლ ო ჩ ხ ე ი ძ ი ს

დაბადებიდან ახი წლის თავი: ალხანმნავ დღეს.

44 rue de Rennes. Paris VI.



«ჩვენი დროშის» გამოცხადება შეიძლება შემდეგ მისამართზე

**M-r Berichvili**

16 bis, rue Jules Ferry. Leuville s/orge

(S. et O.) France.